

KALIKATA LITTLE MAGAZINE LIBRARY-O-GABESHANA KENDRA
 18/M TAMER LANE, KOLKATA-700009

Record No. : KLMLGK 2007/	Place of Publication : <i>গুৱামৰ প্ৰিণ্টিং, গুৱাহাটী</i>
Collection : KLMLGK	Publisher : <i>গুৱামৰ প্ৰিণ্টিং</i>
Title : <i>সবুজ পত্ৰ (SABUJ PATRA)</i>	Size : 7.5" x 6"
Vol. & Number : 6/6 6/7 6/8 6/9 6/10 6/11 6/12	Year of Publication : <i>১৯২৫ ১৯২৫ ১৯২৫ ১৯২৫ ১৯২৫ ১৯২৫ ১৯২৫ ১৯২৫ ১৯২৫ ১৯২৫ ১৯২৫-৭১ ১৯২৫</i>
Editor : <i>গুৱামৰ প্ৰিণ্টিং</i>	Condition : Brittle / Good
	Remarks :

C.D. Roll No. : KLMLGK



অনুষ্ঠ ?

—১০—

(Henri Barbusse-এর ফরাসী ছইতে)

শান্তি ফাঁকা দেওয়ালের গায়ে খোলা জানলাটি দিয়ে দেখা যাচ্ছিল
সন্ধ্যার দৃশ্য—যেন একটা ছবি, যার শেষ নেই। আর বুড়ো হাট
বন্ধু ও সেখানে বসেছিল,—পাথরে-কাটা মূর্তির মতই ভাবার্থহীন।

তারা দু'জনে জীবনের শেষ ক'টা দিন পাশাপাশি কাটিয়ে
দিচ্ছিল ; একই কোণটুকুর ছায়া ও রৌদ্রে দু'টিতে গড়িমনি করত,
একই ঘরে ঘটার পর ঘটার প্রতীক্ষা করত, ও কখনো কখনো
কথা কইত।

—“সকলি ভুল। অনুষ্ঠ ছাড়া কিছু নেই,”—বুড়ো দমনক
এমন ভাবে এই কথাগুলি বলে, যেন সে ইতিপূর্বে যা বলেছে, বা
মনে করেছে যে বলেছে, তারই এই শেষ কথা।

বুড়ো কুলদা উত্তরে বলে—“না, তা নয়। আর সকলের যেমন,
অনুষ্ঠেরও তেমনি ভুল হয়ে থাকে।”

প্রথম বক্তা মুখ কিরিয়ে সঙ্গীকে নিরীক্ষণ করে দেখলে। সে
দৃষ্টির ভিতর ছিল একটুখানি মায়া এবং একটুখানি তাছিল্য—কিন্তু
আশ্চর্যের ভাব কিছুই ছিল না, কারণ, এ বয়সে তার পক্ষে একটু
এলোমেলো বকাটা নিষ্ঠাত্ব স্বাভাবিক।

অপর বাস্তি ঘাড় নাড়লে,—সে ঘাড় এক ঝাঁটি কাঠের মত চিমসে ও খীজকাটা ; এবং শুকনো কাঠখাবার মত হাত দিয়ে ঠক ঠক করে হাঁটু চাপড়ে বল্লে—

—ই হয়। আর এমনও সাংস্থাতিক ব্যাপার ঘটে, যার আবার প্রতিকার হয়।”

দমনক চাপা গলায় হঁঁঁ : বলে তার নিস্তেজ, লাল কোটিরগত চোখ ছুটি আকাশের দিকে চুল্লে। এই ভেবে তার মনটা নরম হ'ল যে, কিছুদিন বাদেই সেও মুখ খুল্লে হয়ত এমনি বাজে কথাই বল্বে।

কুলদা বল্তে লাগল—“আমি এককালে বীরমন্দিনীকে বিয়ে করেছিলুম। এখন আর আমি তার কথা মনেও করি নে। কিন্তু সেইন একটি মেয়েকে দেখলুম, অনেকটা তার মত দেখতে; তাই তাকে আবার চোখের সামনে দেখতে পেলুম, তার সব কথা মনে প'ড়ে গেল। আমি তাকে বিয়ে করেছিলুম; আর তার দু'মাস আগে বন্দুকের এক গুলি দ্রুরে তার বাপের মাথা কাটিয়ে দিয়েছিলুম।”

দমনকের হাঁচিৎ ভয় হ'ল যে, তার সঙ্গী বিকারের ঘোরে প্রলাপ বক্ষে, এবং এ অবস্থায় সে নিজে বল্তে গেলে একলাই ঘরে রয়েছে। থ্রি থ্রি ক'রে কাঁপতে কাঁপতে সে চেঁচিয়ে বলে উঠল—

—“ঝ্যা, কুলদা ! তুমি যুমচু ?”

—“না। আমি না যুমিয়ে ভাবছি। আমি যথার্থই সে মেয়েকে বিয়ে করেছিলুম এবং যথার্থই সে বুড়োর দুই রংগের মধ্য দিয়ে এক গুলি চালিয়ে দিয়েছিলুম। অথবেই ব'লে রাখি যে, সে মেয়েটি

বাপকে দেবতার মত পূজো করত, আর বাপও তাকে তেমনি ভালবাসত।”

ছেট ছেলে যেমন ক'রে গল্প শোনে, দমনক তেমনি আবার শাস্ত ও লঙ্ঘনীটি হয়ে বল্লে—

—“সে অনেক দিমের কথা।”

—“ই, এতদিন আগেকার যে, মনে হয় যেন অন্য কার কথা বল্ছি, আর এ সব যেন আমি জন্মাবার পূর্বে ঘটেছিল।”

বুড়ো যেন এক যুগ পিছিয়ে গিয়ে, স্মৃতির মত তার পূর্বজীবনের অনর্গল ভাষা ফিরে পেয়ে বলে—যেতে লাগল—

—“বীরবাহ কর্তা ছিল ধূর্ণ ও ঝাঁটি মোক। তাই সে আমাকে তার দেয়ে দিতে নারাজ ছিল। কারণ, আমি ছিলুম এক অকর্ম্মার ধাড়ি। আমার দ্বারা বাস্তবিক কোন কাজই ইত না,—এক তার মেয়েকে ভালবাসা ছাড়া ;—কিন্তু যারা একমাত্র কাজ নিয়ে থাকে, তারা যেমন সেটা ভাল ক'রেই করে, আমারও এ বিষয়ে সেই কৃতিশূরু ছিল। আমাকে সে মেয়েটি যেরকম মুঢ়ি করেছিল, সেরকম অপর কারো পক্ষে হওয়া অসম্ভব। তার পরে ত সে বুড়ো হয়ে কতকাল হ'ল মরে গেছে। দমনক, শুনছ ত ?”

—“ইঁ” বলে দমনক একটু কাছে এগিয়ে এল।

—“তাই বলছিলুম, তার বাপ মোটে রাজি ছিল না। চারপাশের সব লোকে তার মত বদ্বলাবার অনেক চেষ্টা করলে ; কিন্তু সে এমন ভাব দেখাত, যেন তাদের কথা শুনতে পাচ্ছে না, বা বুঝতে পারছে না। বেশি দূর এগোতে কেউ সাহস করত না। কারণ, বীরবাহের শরীরে যেমন রাগ তেমনি সামর্থ্য ছিল। তার বাহ ছিল কৃতিশীর

পালোয়ানের মত, আর হাত দুটো ছিল শক্ত যেন হাতিয়া। একদিন আমি সাহস করে তার সামনামায়নি কথাটা পেড়েছিলুম,— অতি নীচু গলায়,—কিন্তু সে আমাকে বাড়ী থেকে বের করে দিলে। ততক্ষণ নদিনীয়ন্দৱী রাজ্যাবরে এক কোণ আশ্রয় ক'রে দুই মুঠো দিয়ে দুই চোখ ঢেকে ফৌস-ফৌস করছিল। আমি অক্ষমতায় ও লজ্জায় পাগলের মত হয়ে গিয়ে মনে মনে ভাবলুম—এর চেয়ে মৃত্যু ভাল। এ প্রাণ রেখে আর কি লাভ, যখন জীবনের শ্রী ও আনন্দ যার হাতে, সে বেটো সহ্যভাবের মত পাপার্পিত ও যাঁড়ের মত বলিষ্ঠ! আর যত কিছু চেষ্টা-চরিত্র করি না কেন, তার ফল হবে শুধু লোকের কাছে নিজেকে আরও বেশি অপদৃষ্ট করা। তার চেয়ে জীবনের সঙ্গে শোধবোধ করাই চের সোজা কাজ ব'লে মনে হ'ল। আমার বন্দুকে এক গুলি ভরলুম,—আর প্রেমিক মানুষের মনের মত একটি শুন্দর রাত্রি দেখে মাঠের উপর দিয়ে সোজা দৌড়তে লাগলুম। কাজ হাঁসিল করবার উদ্দেশ্যে বুড়ি-ক্ষেত্রের মোড়ের কাছে রাস্তার ধারে বসলুম। কিন্তু বন্দুকটা মুঠোর মধ্যে সবে ঠিক করে ধরেছি, এমন সময় প্রথমে শুনতে পেলুম, পরে দেখতে পেলুম যে, একটি গাড়ী সেদিকে আমছে। বুকটা ছাঁৎ করে উঠ্টল—বীরবাহ কর্তার গাড়ি!—আমারও ভাল কথা মনে পড়ে গেল যে, মাসের এই দিনেই সঙ্কেবলো সে তাম্লি গিরাকে এক খলে টাকা দিতে যায়। ঘোড়াটা কদম কদম চুঁচিল! গাড়ীটা আমার নাকের সামনে দিয়ে চলে গেল, আর আমি তাকে দেখলুম,—মামনের দিকে ঝুঁকে বসে আছে; সেই লম্বা প্রকাণ শরীর—যা আমার চন্দুঃশূল—সেই পাথীর ঠোঁটের মত নাক, সেই মন্ত ছুঁচোলা দাঢ়ি, সেই কালো বর্বর মৃত্তি, যেন

কাঁকিদের রাজা। তখন যে পশু আমাকে এমন ভাবে কোঁগঠেসা করে' দুর্দিশার শেষ সীমায় উপস্থিত করেছে, তাকে একেবারে হাতের কাছে বাগে পেয়ে আমার মাথায় এরকম খুন চ'ড়ে গেল যে, সে বলবার নয়। আমি এক লক্ষে উঠে পড়ে' বন্দুকটা ঠিক তার রাগে তাক করলুম, ছুঁড়লুম। টুঁ শব্দটি না করে' সে যেন বাঁপিয়ে ঘোড়ার লেজের দিকে একটা বোঝার মত মুখ থ্বব্বে পড়ল। ঘোড়াটা ভড়কে গিয়ে চার পা তুলে ছুঁট দিলে, ও মোড়ের কাছে রাস্তা ছেড়ে পঁচিশ ত্রিশ হাত দূরে লাভাদের জোতজ্ঞার মধ্যখানে গিয়ে পড়ল। আমি পালালুম—লম্বা লম্বা পা ফেলে উর্কিশাসে পালালুম,—চোখে অক্ষকার দেখছি, মাথা বিঘ্ৰ বাধ্ করছে, আমাতে আর আমি নেই। পাগলের মত বেগে ছুটে ছুটতে অনেক দূর এসে পড়বার পর তবে আমার ছাঁস হতে লাগল যে কি করেছি। তখন যেন খোঁচা খেয়ে আরও মরিয়া হয়ে মাঠ ও বনের ভিতর দিয়ে দোড় দিলুম। এই যে আমি দেকালের সব কথাই প্রায় ভুলে গেছি, কিন্তু আজও মনে আছে,— যেন মেদিনিকার কথা—কোন্ কোন্ ভয়ঙ্কর বোপ সেদিন বাত্রিতে ডিঙিয়ে গেছি, কোন্ কোন্ মারাঞ্জক বাধা উঠে ফেলে দিয়ে পথ করে' নিয়েছি। মনের মধ্যে যে বড় বয়ে যাচ্ছিল, তা'তে যৎকিঞ্চিত শাস্তি ও শুভ্রলা এনেছিল শুধু এই বিখ্যাসে যে, বাড়ী গিয়ে আস্থাহতা করব, এটা নিশ্চিত। কিন্তু অভিশপ্তের মত ছুটতে ছুটতে দেখি যে তাদের বাড়ীতে এসে পড়েছি—যে বাড়ী একজন ইইমাত্র ছেড়ে গেছে, কিন্তু যেখানে আর একজন আছে। যখন এ বিষয়ে চেতনা হ'ল, তখন সে এত কাছে এসে পড়েছে যে তাকে আর একবার দেখবার চেষ্টা না করে থাকতে পারলুম না। একবার তাকে দেখব—

জানলার ভিতর দিয়ে—কেমন অপেক্ষা করে' বসে আছে, আগুনের লাল আভায় অঙ্ককারে আধ-ফুট্ট ! দেওয়ালের বরাবর যত আস্তে পারি হাঁপাতে হাঁপাতে কাঁপতে কাঁপতে গেলুম ; ফিরলুম —আঃ ! এ যে, জানলা খোলা আছে, তার ধারে সে কম্বুয়ের উপর ভর দিয়ে বসে আছে। সে বসে আছে যেন স্বর্গের দেবীর মত শান্ত, আর আমার মনে হল তার ভিতর থেকে কি একটা আলো ফুটে বেরছে। সত্তি, সে হাসছিল ! সে দেখতে পেলে আমি ক'হত দূরে তার সামনে দাঢ়িয়ে আছি, দেখে একটু চেঁচিয়ে উঠে হাতে তালি দিলে—আলো যেন আরও ছলে উঠল, হাসি যেন আরও ফুটে উঠল ! সে বলে—“ভগবান তোমাকে পাঠিয়েছেন। বাবা রাজি হয়েছেন। তিনি দেখলেন আমি কি-রকম কষ্ট পাচ্ছি, তাই আমার দুর্দুর করবার জ্যে হঠাৎ হাঁ বল্লেন। এইমাত্র বেরিয়ে যাবার আগে তিনি হাঁ বল্লেন ও হাসলেন।”

আমি গলা দিয়ে একটা আওয়াজ পর্যন্ত বের করতে পারলুম না। কে বেন আমার গলা টিপে ধরেছিল, চোখ কান করে দিয়েছিল। জলিনে কেমন করে শিছু ইচ্ছুলুম, কেমন করে দেওয়াল ট্পকে তার দৃষ্টি এড়ালুম, কেমন করে পালালুম। কেবল মনে আছে সেই মুহূর্ত, যে সময় নিজের বাড়ী পৌঁছলুম,—এক হাত বাড়িয়ে হাতড়তে হাতড়তে, আর এক হাতে বন্দুক আঁকড়ে ধরে—পৃথিবীতে এখন এই ই'ল আমার একমাত্র সম্পত্তি ! রাজাখরে চুকে, কোন আলো না ছালিয়েই, চোখ না খুলেই, আমার সাধের টোটা খুঁজলুম, পেলুম, ও বন্দুকে পূরলুম। কিন্তু অদৃষ্টের এই ভীষণ সর্বনিশে অভ্যাচার আমাকে এতদূর পিষে ফেলেছিল—আহ এমনি মারই মারলে যে, আমাকে যে বাঁচিয়েছে সে খবরটা জানবাবও অবসর

দিলে না,—যে আমার আগ্রাহত্যা করবার উৎসাহ পর্যন্ত নিতে গিয়েছিল। সেই জন্যই কি শুলিটা ফসকে গেল ?—সে যাই হোক, ঘটনা এই যে, শুধু শুলির তপ্ত খাদের আঁচটুকু আমার মুখে লাগল, আর সে শুধু আমার একগোছা চুল উড়িয়ে নিয়ে গেল। টলতে টলতে মাটিতে পড়ে গেলুম,—ভাবলুম মারা গেছি।

পরদিন বেলা দুহুরে ভৱা দিনের আলোয় দুম ভাঙল। সব কথা মনে পড়ে ফুঁপিয়ে ফুঁপিয়ে কাঁদতে লাগলুম। কান ভোঁ ভোঁ করছিল, কিন্তু বাইরে একটা মহা সোরগোল হচ্ছিল; লোকজন পাড়া-পড়াতে হৈ হৈ হৈ হৈ করছে। ঠিক সেই সময় জীবন জঙ্গ দুরজায় এক ধাক্কা মারলে। আমার চেয়ে তখন সে বছর কতকের বড় ছিল, পরে বুড়োরোগে মারা গেছে। আর এক ধাক্কা দিতেই দুরজা খুলে গেল। সেই ঝাঁকের ভিতর দিয়ে তার ফোকলা মুখ গলিয়ে সে চেঁচিয়ে বল্লে—

—বীরবাহ কর্ত্তাকে কাল বাস্তায় খুন করেছে।

—ঁাঁা, ঁাঁা, বলতে বলতে আমি পাঞ্চাস মেরে ঘরের শেষ পর্যন্ত পিছিয়ে গেলুম।

—সেই পাপ বেদের কাজ। তারা টাকার থলে নিয়ে গিয়েছিল, তাই ধরা পড়ে গেছে। তারা সব কথা খুলে বলেছে। তারা আম থেকে বেরবার মুখে গাড়ির উপর চড়াও হয়েছিল,—তার বাড়ী থেকে ছ'পা বুড়ো পিঠে দশ ঘা ছুরি খেয়েছে, সে একেবারে মরে' কাঠ হয়ে গিয়েছিল, একগঙ্গা রক্ত পড়েছিল। তারপর তারা তাকে গাড়ির গদির উপর ঠিক করে বসিয়ে দিয়ে, ঘোড়াকে আস্তে আস্তে যেতে দিলে।

ଅନେକଙ୍କଣ ପରେ, ବୁଡୀ-କ୍ଷେତର ମୋଡେ, ଘୋଡ଼ାଟା ॥ କଂସପତିର ବାଡ଼ୀତେ
ଗିଯେ ପଡ଼େଛିଲ ।”

ଆମି ତା'ହଲେ ତାକେ ମେରେ ଫେଲି ନି ! କାରଣ ସେ ଆଗେଇ
ମରେ ଗିଯେଛିଲ ! ମରାକେ କେଉଁ ଖୁନ କରେ ନା ।—ଏଥନ ଦେଖ୍—
ଏ ହଲେ ଅଦୃଷ୍ଟେର ହାତ ଛିଲ ବଟେ, କିନ୍ତୁ ସେ ରାତ୍ରିତେ ତାର ଭୁଲ ହେଁ
ଗିଯେଛିଲ ।

ଶ୍ରୀମତୀ ଇନ୍ଦ୍ରିଆ ଦେବୀ ଚୌଧୁରୀ

ଅଦୃଷ୍ଟ ।

————— :*: —————

ଶ୍ରୀମତୀ ଇନ୍ଦ୍ରିଆ ଦେବୀ ଚୌଧୁରୀ କରାସୀ ଭାୟ ଥେକେ “ଅଦୃଷ୍ଟ”
ନାମଦେଇ ଯେ ଗଲ୍ଲଟି ଅନୁବାଦ କରେହେନ, ତାର ମୋଦ୍ଦା କଥା ଏହି ସେ, ମାନୁଷ
ପୁରୁଷକାରେର ବଲେ ନିଜେର ମନ୍ଦ କରତେ ଚାଇଲେଓ ଦୈବେର କୃପାୟ ତାର
ଫଳ ଭାଲ ହୁଏ ।

ଏ କିନ୍ତୁ ବିଲେତୀ ଅଦୃଷ୍ଟ ।

ଏ ଦେଶେ ମାନୁଷ ପୁରୁଷକାରେର ବଲେ ନିଜେର ଭାଲ କରତେ ଚାଇଲେଓ
ଦୈବେର କୁଣେ ତାର ଫଳ ହୁଏ ମନ୍ଦ । ଏଦେଶୀ ଅଦୃଷ୍ଟେର ଏକଟି ନମ୍ନା
ଦିନ୍ଦିଂଛ । ଏ ଗଲ୍ଲଟି ସତ୍ୟ—ଅର୍ଥାତ୍ ଗଲ୍ଲ ସେ ପରିମାଣ ସତ୍ୟ ହେଁ ଥାକେ,
ସେଇ ପରିମାଣ ସତ୍ୟ, ତାର ଚାଇତେ ଏକଟୁ ବେଶିଓ ନୟ, କମଓ ନୟ ।

(୧)

ଏ ଘଟନା ସଟେଛିଲ ପାଲବାବୁଦେର ବାଡ଼ୀତେ । ଏହି କଲିକାତା
ମହାରେ ଖେଳାରାମ ପାଲେର ଗଲିତେ ଖେଳାରାମ ପାଲେର ଭାଙ୍ଗାନ କେ ନା
ଜାନେ ? ଅତ ଲଞ୍ଚା-ଚୋଡ଼ା ଆର ଅତ ମାଥ ଉଁଁ-ଚକରା ବାଡ଼ୀ, ଯିନି ଚୋଥେ
କମ ଦେଖେନ, ତାର ଚୋଥ ଓ ଏଡିଯେ ଯାଏ ନା । ଦୂର ଥେକେ ଦେଖିବେ ସେଟିକେ
ସଂକ୍ଷ୍ରତ କଲେଜ ବଲେ ଭୁଲ ହୁଏ । ସେଇ ସାର ସାର ଦୋତାଳା ମମାନ ଉଁଁ
କରିଛିଯାନ ଥାମ, ସେଇ ଗଡ଼ନ, ସେଇ ମାପ, ସେଇ ରଂ, ସେଇ ଟଂ । ତବେ
କାହେ ଏଲେ ଆର ସନ୍ଦେହ ଥାକେ ନା ସେ, ଏଟି ସରବର୍ତ୍ତୀର ମନ୍ଦିର ନୟ,
ଲଙ୍ଘନୀର ଆଲାଯ । ଏର ସୁମୁଖେ ଦୀଘି ନେଇ, ଆହେ ମାଠ, ତାଓ ଆବାର ବଡ଼

নয়, ছোট ; গোল নয়, চোকোণ। এ ধাঁচের বাড়ী অবশ্য কলিকাতা
সহরে বড় রাস্তায় ও গলিঘুঁটিতে আরো দশ বিশটা মেলে, তবে
খেলারামের বসতিবাটির স্থানে যা আছে, তা কলিকাতা সহরের অপর
কোনো বনে'ন্দী ঘরের ফটকের সামনে নেই। ছুটি প্রকাণ্ড সিংহ—
তার সিংহদরজার দ্রুত্বের আগলে বসে আছে। তার একটিকে যে
আর সিংহ বলে চেনা যায় না, আর পথচালী লোকে বলে, বিলোচি-
শেয়াল, তার কারণ, বয়েসের শুণে তাঁর ইঁটের শরীর ভেঙে পড়েছে,
আর তার চৃগবালির জটা খসে পড়েছে। কিন্তু খেটির পৃষ্ঠে সোয়ার
হয়ে, নাকে নখ-পরা একটি পানওয়ালী সকাল সঙ্গে, পয়সায় পাঁচটি
করে খিলি বেচে, সেটিকে আজও সিংহ বলে চেনা যায়।

(২)

এই সিংহ ছুটির দুর্দিশা থেকেই অনুমান করা যায় যে, পাল
বাবুদের ও তপু দশা উপস্থিত হয়েছে। বাইরে থেকে যা অনুমান
করা যায়, বাড়ীর ভিতরে ঢুকলে তার প্রত্যক্ষ প্রমাণ পাওয়া যায়।

পাল বাবুদের নাচঘরের জুড়ি নাচৰু কোম্পানীর আমলে
কলিকাতায় আর একটিও ছিল না। মেজবাবু অর্থাৎ খেলারামের
মধ্যম পুত্র, কলিকাতার সব আকণ্ড কায়ছ বড় মানুষদের উপর টেকা
দিয়ে সে ঘর বিলোচি-দস্তুর সাজিয়ে ছিলেন। পাশে পাশে টেকানো
আর গায়ে গায়ে টেকানো বাড়ে ও দেওয়ালগিরিতে সে ঘর চিকমিক
করাত, চকমক করাত। আর এদের গায়ে যখন আলো পড়ত, তখন
সব বালখিল্য ইন্দ্রধনু তাদের ভিতর থেকে বেরিয়ে এসে ক্রমে ঘরময়
খেলা করে বেড়াত। সে এক বাহার ! তারপর সাটিনে ও মথমলে

মোড়া কত যে কোচ-কুর্সি সে ঘরে জমায়েত হয়েছিল, তার আর
লেখাজোখা নেই। কিন্তু আসলে দেখবার মত জিনিষ ছিল সেই
নাচঘরের স্থানের বারান্দা। ইতালি থেকে আমদানী-করা তুষার-
ধবন, নবনীতস্তুকুমার মর্মা-প্রস্তরে গঠিত, প্রমাণ সাইজের ত্রীমুর্তি-
সকল সেই বারান্দার দুর্ধারে সার বেঁধে দিবারাত্রি ঠায় দাঙিয়ে
থাকত—তার প্রতিটি এক একটি বিচ্চির ভঙ্গীতে। তাদের মধ্যে কেউ
বা স্নান করতে যাচ্ছে, কেউ বা সংজ নেয়ে উঠেছে, কেউ বা স্থানের
দিকে দৈর্ঘ্য ঝুঁকে রয়েছে, কেউ বা বুক ঝুলিয়ে দাঙিয়ে রয়েছে, কেউ
বা দ্রুত তুলে মাথার চুল কঢ়ালের উপর চুড়ো করে বাঁধছে, কেউ
বা দ্বা হাতখানি ধনুকারুতি করে সামনের দিকে ঝুলিয়ে রেখেছে, দেখতে
মনে হত, স্বর্গের বেবোক অপ্সরা শাপভূষ্টা হয়ে মেজবাবুর বারান্দায়
আঞ্চল্য নিয়েছেন। সামান্য লোকদের কথা ছেড়ে দিন, এ ভুল মহা
মহা পঞ্জিদেরও হত। তার প্রমাণ—পাল-প্রাসাদের সভাপণ্ডিত
হয়ং বেদাস্তুবাণীশ মহাশয় এক দিন বলেছিলেন,—“মেজবাবুর
দৌলতে মর্ত্যে থেকেই স্বর্গ চোখে দেখলম।” এই পায়াবীরা স্বনি কারো
শ্রেষ্ঠ সব বেঁচে ওঠে, তাহলে এ পুরা সত্যসত্যই অয়াপুরী হয়ে ওঠে
—একথা শুনে মেজবাবুর জনৈক পেয়ারা মো-সাহেব বলে ওঠেন,
“তাহলে বাবুকে এক দিনেই করু রহতে হত—শাড়ীর দাম দিতো”। এ
উত্তরে চারদিক থেকে হাসির তুফান উঠল। এমন কি, মনে হল যে,
ঠি সব পায়াগুরুত্বদেরও মুখে চোখে যেন দৈর্ঘ্য সর্কোতুক হাসির রেখা
ফুট উঠল। বলা বাহল্য যে, এই কলিকাতা সহরেও উর্বরী,
মেনকা, রস্তা, ঘৃতাচাদের নাচে গানে প্রতি সঙ্গে এ নাচঘর সরণগরম
হয়ে উঠত। আর আজকের দিনে তার কি অবস্থা ?—বলছি।

(৩)

এই মাচবরের এখন আসবাবের ভিতর আছে একটি জরাজীর্ণ কাঠের অতিকায় লেখবার টেবিল আর খানকতক ভাসা ঢোকি। মেজেতে পাতা রয়েছে একখানি বাহাতুর বৎসর বয়েসের একদম রঙেছলা এবং নানাছানে ইঁহুরে-কাটা কারপেট। এ ঘরে এখন ম্যানেজার সাহেব দিনে আফিস করেন, আর রাত্তিরে সেখানে নর্তন হয় ইঁহুরে—কীর্তন হয় ছুঁচোর।

এই অবস্থা-বিপর্যারের কারণ জানতে হলে পাল-বৎশের উথান-পতনের ইতিহাস শোনা চাই। সে ইতিহাস আমি আপনাদের সময়স্মৃতে শোনাব। কেননা, তা যেমন মনোহারী, তেমনি শিক্ষাপ্রদ। এ কথার ভিতর সে কথা চোকাতে চাই নে এই জন্য যে, আমি জানি যে, উপন্যাসের সঙ্গে ইতিহাসের পিঁচুড়ি পাকালে, ও দুরের রসই সমান কষ হয়ে উঠে।

ফল-কথা এই যে, পাল বাবুদের সম্পত্তি এখনও যথেষ্ট আছে; কিন্তু সরিকৌ-বিবাদে তা উচ্চন্ন ঘাবার পথে এসে দাঢ়িয়েছে। সেই ভাঙ্গা ঘর আবার গড়ে তোলবার ভার আপাতত একজন কমন-ম্যানেজারের হাতে পড়ছে। এই ভদ্রলোকের আসল নাম—শ্রীমত ভূপেন্দ্রনাথ চট্টোপাধ্যায়, কিন্তু লোক সমাজে তিনি চাটুয়ে-সাহেব বলেই পরিচিত। এর কারণ, যদিচ তিনি উকিল, ব্যারিস্টার নন, তা'হলেও তিনি ইংরেজী পোষাক পরেন—তাও আবার সাহেবের দোকানে তৈরী। চাটুয়ে-সাহেব বিশ্বিভালয়ের আগাগোড়া পরীক্ষা একটানা ফৰ্ক্ষ ডিভিসনেই পাশ ক'রে এসেছেন, কিন্তু

আদালতের পরীক্ষা তিনি থার্ড ডিভিসনেও পাশ করতে পারলেন না। এর কারণ, তাঁর Literature-এ taste ছিল, অন্তত এই কথা ত তিনি তাঁর স্ত্রীকে বোঝাতে চেষ্টা করেছিলেন। তাঁর স্ত্রী অবশ্য এ কথাটা মোটেই বুঝতে পারলেন না যে, পক্ষীরাজকে ছুকড়ে ছুতলে কেন না সে তা টানতে পারবে। তবে তিনি অতিশ্য বুদ্ধিমতী ছিলেন বলে' স্থামীর কথার কোনো প্রতিবাদ করেন নি, বিজের কপালের দোষ দিয়েই বসে' ছিলেন। যখন সাত বৎসর বিনে-রোজগারে কেটে গেল, আর সেই সঙ্গে বয়েসও ত্রিশ পেরলো, তখন তিনি হাইকোর্টের অজ হবার আশা তাগ করে' মাসিক তিনিশ' টাকা বেতনে পাল বাবুদের জমিদারী সম্পত্তির ম্যানেজারের পদ আঁকড়ে ধরতে বাধ্য হলেন। এও দেশী আঁষ্টের একটা ছেটখাটো উদাহরণ। বাঙালী উকিল না হয়ে সাহেব কোঁচুলি হলে তিনি যে Bar-এ ফেল করে bench-এ যে প্রমোশন পেতেন, সে কথা ত আপনারা সবাই জানেন। যার এক পয়সার প্র্যাকটিস বেই, সে যে একদম তিনিশ' টাকা মাইনের' কাজ পায়, এ দেশের পক্ষে এই ত একটা মহা সৌভাগ্যের কথা। তাঁর কপাল ফিরল কি করে জানেন?—ছেরেপ মুরব্বির জোরে। তিনি ছিলেন একাধারে বনেদী ঘরের ছেলে আর বড় মাঝের জামাই—অর্ধাং তাঁর যেমন সম্পত্তি ছিল না, তেমনি সহায় ছিল।

(৮)

বলা বাছলা, জমিদারী সম্বন্ধে চাটুয়ে-সাহেবের জ্ঞান আইমের চাইতেও কম ছিল। তিনি প্রথম শ্রেণীতে B. L. পাশ করেন,

হৃতরাং এ কথা আমরা মানতে বাধ্য যে, আইনের অস্তত পুঁথিগত বিষে তাঁর পেটে নিশ্চয়ই ছিল ; কিন্তু কি হাতে-কলমে কি কঁগঁজে-কলমে তিনি জমিদারী বিষয়ে কোনো জ্ঞান কখনো অর্জন করেন নি । তাই তিনি তাঁর আভাসীয় ও পরম হিতৈষী জনৈক বড় জমিদারের কাছে এ ক্ষেত্রে কিংকর্ত্তব্য সে সমস্তে পরামর্শ নিতে গেলেন । তিনি যে পরামর্শ দিলেন, তা অনুল্য । কেন না, তিনি ছিলেন একজন যেমনি ছিসিয়ার, তেমনি জৰুরদস্ত জমিদার । তারপর জমিদার মহাশয় ছিলেন অতি স্বল্পভাষ্য লোক । তাই তাঁর আছোপাস্ত উপদেশ এখনে উচ্চ করে দিতে পারাছি । জমিদারী শাসন-সংরক্ষণ সমস্তে তাঁর মতামত—আমার বিশ্বাস, অনেকেরই কাজে লাগবে । তিনি বললেন,—“দেখ বাবাজী, যে পৈতৃক সম্পত্তির আয় ছিল শালিয়ানা দুলঙ্ঘ টাকা, আমার হাতে তা এখন চার লক্ষে এসে দাঁড়িয়েছে । হৃতরাং আমি যে জমিদারীর উন্নতি করতে জানি এ কথা আমার শক্তরাও স্থীকার করে ;—আর দেশে আমার শক্তরও অভাব নেই । জমিদারী করীর অর্থ কি জানো ?—জমিদারীর কারবার জমি নিয়ে যায়, মানুষ নিয়ে । ও হচ্ছে এক বুকম ঘোড়ায় ঢ়ড়া । লোকে যদি বোঁকে যে পিঠে সোয়ার চড়েছে, তা হলে তাকে আর ফেলবার চেষ্টা করে না । প্রজা হচ্ছে জমিদারীর পিঠ আর আমলা-ফয়লা তার মুখ । তাই বলছি প্রজাকে সাহেস্তা রাখতে হবে খালি পায়ের চাপে ; কিন্তু চাবুক চালিয়ো না, তা হলেই সে পুস্তক বাড়বে আর অমনি তুমি ডিগবাজি থাবে । অপর পক্ষে আমলাদের বাগে রেখে রাশ-কড়া করে ধরো, কিন্তু সে রাশ প্রাপণে টেমো না, তা হলেই তারা শির-পা করবে আর অমনি তুমি উচ্চে ডিগবাজি থাবে । এক কথায়

৬ষ্ঠ বর্ষ, অষ্টম সংখ্যা

অক্টোবর

৪৪১

তোমাকে একটু রাশ-ভারি হতে হবে আর একটু কড়া হতে হবে । বাবাজি এ ত ওকালতি নয় যে, হাকিমের স্মৃতে যত নুঝইয়ে পড়বে নেতৃত্বে পড়বে, আর যত তার মন যোগানো কথা কইবে, তত তোমার পসার বাড়বে । ওকালতি করার ও জমিদারী করার কায়দা ঠিক উচ্চে উচ্চে ।”

এ কথা শুনে চাঁচুয়ে-সাহেব আশ্চর্ষ হলেন, মনে মনে ভাবলেন যে, যখন তিনি ওকালতিতে ফেল করেছেন, তখন তিনি নিশ্চয়ই জমিদারীতে পাশ করবেন । কিন্তু তাঁর মনের ভিত্তি একটু খোঁকাও রয়ে গেল । তিনি জানতেন যে, তাঁর পক্ষে রাশ-ভারি হওয়া অসম্ভব । তাঁর চেহারা ছিল তার প্রতিকূল । তিনি হলেন একে মাথায় ছেট, তার উপর পাতলা, তার উপর ফর্শা, তার পর তাঁর মুখটি ছিল দ্বীজাতির মুখমণ্ডলের যায় কেশহীন, অবশ্য হাল-ফেসান অনুযায়ী—দুসঙ্কা । স্বচ্ছতে ক্ষের-কার্যের প্রসাদে । ফলে, হঠাৎ দেখতে তাঁকে আঁচারো বৎসরের ছোকরা বলে ভুল হত । রাশ-ভারি হওয়া তাঁর পক্ষে অসম্ভব জেনে, তিনি স্থির করলেন যে, তিনি গন্তীর হবেন । মধুর অভাবে গুড়ে যেমন দেবার্চনার কাজ চলে যায়, তিনি ভাবলেন রাশ-ভারি হতে না পেরে গন্তীর হতে পারলেই জমিদারী-শাসনের কাজ তেমনি স্থচারুরূপে সম্পন্ন হবে ।

তারপর এও তিনি জানতেন যে, মানুষের উপর কড়া হওয়া তাঁর ধাতে ছিল না । এমন কি, যেয়ে মানুষের উপরও তিনি কড়া হতে পারলেন না । তাই তিনি আপিসে নানারকম কড়া নিয়মের প্রচলন করলেন, এই বিশ্বাসে যে, নিয়ম কড়া হলেই কাজেরও কড়াকড় হবে । তিনি আকিসে চুকেই হকুম দিলেন যে, আমলাদের সব ঠিক এগারটায়

আপিসে উপস্থিত হতে হবে, নইলে তাদের মাইনে কাটা যাবে। এ নিয়মের বিৰক্তে প্ৰথমে সেৱেস্তাৱ একটু আমলা-তাঙ্গিক আন্দোলন হয়েছিল, কিন্তু চাটুয়ে-সাহেব ভাতে এক চূলও টললেন না, আন্দোলন থেমে গেল।

(৫)

পাল-সেৱেস্তাৱ আমলাদেৱ চিৰকেলে অভ্যাস ছিল, বেলা বায়োটা-সাড়েবোটাৱ সময় পান চিবুতে চিবুতে আপিসে আসা, তাৰপৰ এক ছিলিম শুড়ুক টেনে কাজে বসা। মুনিব যেখানে বিধবা আৱ নাবালক—সেখানে কৰ্মচাৰীৱা স্বাধীন ভাবে কাজ কৰতে অভ্যন্ত হয়। কিন্তু তাৱা যখন দেখলে যে ঘড়িৰ কাঁটাৱ উপৰ হাজিৱ হলেই ছজুৱ খুসি থাকেন, তখন তাৱা একটু কষ্টকৰ হলোও বেলা এগারটাতে হাজিৱা সই কৰতে সুস্থ কৰে দিলে। অভ্যেস বদলাতে আৱ ক'নিন লাগে ?

মুক্তিল হলি কিন্তু প্ৰাণবন্ধু দামেৱ। এ ব্যক্তি ছিল এ কাছারিৰ সবচেয়ে পুৰোণো আমলা। পঁয়তাঙ্গিশ বৎসৱ বয়েসেৱ মধ্যে বিশ বৎসৱকাল সে এই টেটে একই পোটে একই মাইনেতে—বৱাৰৱ কাজ কৰে' এসেছে। এতদিন যে তাৱ চাকৰী বজায় ছিল, তাৱ কাৰণ—সে ছিল অতি সংলোক, চুৱি-চামারিৰ দিক দিয়েও সে দেৰ্শন না। আৱ তাৱ মাইনে যে কথনো বাড়েনি, তাৱ কাৰণ, সে ছিল কাজে অতি চিলে।

প্ৰাণবন্ধু কাজ ভালবাসত না, পৃথিবীতে ভালবাসত শুধু ছটি জিনিস, এক তাৱ সৌ, আৱ এক তামাক। এই ঝিকাণিক ভালবাসাৱ

প্ৰসাদে তাৱ শৰীৱে ছুটি অসাধাৱণ গুণ জয়েছিল। বহুদিনেৱ সাধাৱণ ফলে তাৱ হাতেৱ লেখা হয়েছিল যে রকম চমৎকাৱ, তাৱ মাথা তামাকও হ'ত তেমনি চমৎকাৱ।

আপিসে এসে তাৱ নিয়মিত কাজ ছিল—সৰ্ব প্ৰথমে তাৱ স্তৰীকে একখানি চিঠি লেখে। গোড়ায় “প্ৰিয়ে, প্ৰিয়তৰে প্ৰিয়তমে” এই সমৰ্থন এবং শেষে “তোমাৰই প্ৰাণবন্ধু দাম” এই ব্যৰ্থ-সূচক স্বাক্ষৰেৱ ভিতৰ, প্ৰতিদিন ধীৱে সুস্থিৱে ধৰে ধৰে পুৱো চাৱপুষ্টা চিঠি লিখতে তাৱ হাতেৱ অক্ষৰ ছাপাৰ অক্ষৰেৱ মত হয়ে উঠেছিল। এইজন্য আপিসেৱ যত দলিলপত্ৰ তাকেই লিখতে দেওয়া হত। এই অক্ষৰেৱ প্ৰসাদেই তাৱ চাকৰীৱ পৰমায়ু অক্ষৰ হয়েছিল।

তাৱ পৰ প্ৰাণবন্ধু ষষ্ঠীয় ঘটায় তাৰাক খেতেন—অবশ্য নিজ হাতে সেজে। পৱেৱ হাতে সাজা-তামাক খাওয়া তাৱ পক্ষে তেমনি অসন্তোষ ছিল—পৱেৱ হাতেৱ লেখা-চিঠি তাৱ স্তৰীকে পাঠান তাৱ পক্ষে যেমন অসন্তোষ ছিল। তিনি কক্ষেয় প্ৰথমে বেশ কৰে টিকৰে দিয়ে তাৱ উপৰ তাৰাক এলো কৰে' সেজে, তাৱ উপৰ আলগোছে মাটিৰ তাৰাম বসিয়ে, তাৱ উপৰ আড় কৰে স্তৱে স্তৱে টিকে সাজিয়ে, তাৱ পৰ সে টিকাৰ মুগাপুঁ কৰে, হাতপাখা দিয়ে আঁচ্ছে আঁচ্ছে বাতাস কৰে' ধীৱে ধীৱে তাৰাক ধৰাতেন। আধ ষষ্ঠী তিথিৰে কৰ যে আৱ ধোয়া গোল হয়ে, নিটোল হয়ে, মোলায়েম হয়ে' নলেৱ মুখ দিয়ে অৱগল ব্ৰোঝ না, এ কথা যাৱা কথনো ছঁকো টেনেছে, তাৱেৱ মধ্যে কে না জানে ?

এই চিঠি লেখা আৱ তাৰাক সাজাৱ ফুৱসতে প্ৰাণবন্ধু আপিসেৱ

কাজ করতেন এবং সে কাজও তিনি করতেন অস্থমনস্কভাবে। বলা বাহ্য যে, সে ফুরসৎ তাঁর কর কর্ম ছিল। এর চিঠি ওর খামে পুরে দেওয়া তাঁর একটা বোগের মধ্যে দাঁড়িয়ে গিয়েছিল। এ সত্ত্বেও সমগ্র সেরেষ্টা যে তাঁকে ছাড়তে চাইত না, সত্য কথা বলতে গেলে তার আসল কারণ এই যে, প্রাণবন্ধু সেরেষ্টায় হ'কোবরদারীর কাজ করত—আর সবাই জানত যে, অমন হ'কোবরদার মুঠিখোলার নবাব-বাড়ীতেও পাওয়া দুকর। তার করপর্শে দা-কাটা ও ভেলসা হয়ে, খরসান ও অঙ্গুর হয়ে উঠত।

প্রাণবন্ধুর উপরে সকলে সন্তুষ্ট থাকলেও তিনি সকলের উপর সমান অসন্তুষ্ট ছিলেন। প্রথমত তাঁর ধারণা ছিল যে, তাঁর মাঝেন্দে বাঢ়ে না, সে তিনি চোর নন বলে। অর্থচ তাঁর বেতন হার্কির বিশেষ দরকার ছিল। কেন না, তাঁর স্তৰ জ্ঞানাত্মে মূল ছেলের মুখ দেখতেন। বংশহর্কির সঙ্গে বেতন হার্কির যে কোনই ঘোগাঘোগ নেই, এই মোটা কথাটা প্রাণবন্ধুর মনে আর কিছুতেই বসল না। ফলে তাঁর মনে এই বিশ্বাস দৃঢ় হয়ে গেল যে, আপিসের কর্তৃপক্ষেরা গুণের আদর মোটেই করেন না। স্তৰাং তাঁর পক্ষে, কি কথায়, কি কালে, কর্তৃপক্ষদের মন জুগিয়ে চলা সম্পূর্ণ নিরবক। শেষটা দাঁড়াল এই, প্রাণবন্ধু যা খুসি তাই করত, যা খুসি তাই বলত,—কারো কোনো পরোয়া বাঁখত না। কর্তৃপক্ষেরাও তার কথায় কান দিতেন না; কেন না, তাঁরা খবে নিয়েছিলেন যে, প্রাণবন্ধু হচ্ছে টেটের একজন পেনসানভোগী।

(৫)

এই মূলন ম্যানেজারের হাতে পড়ে' প্রাণবন্ধু পড়ল মুক্তিলে। সে ভদ্রলোক বেলা এগারটায় আপিসে আর কিছুতেই এসে জুটতে পারলে না। ফলে তাঁকে নিয়ে ছজ্জুর পড়লেন আরও বেশি মুক্তিলে। নিয়ে তাঁর মাঝেন্দে কাটা গেলে বেচাৰা যায় মারা—আর না কাটলেও তাঁর নিয়ম যায় মারা। এই উভয় সঙ্কটে তিনি তাঁকে কর্ম হতে' অবসর দেওয়াই হ্বির করলেন। এই মনস্ত করে তিনি তাঁর কৈক্ষিয়ৎ চাইলেন, তাঁর পর তাঁর জ্বাৰবিহি শুনে চাটুয়ে-সাহেবে অবাক হয়ে গেলেন। প্রাণবন্ধু তাঁর স্মৃত্যে দাঁড়িয়ে অন্নানবদনে বললে—হচ্ছুর। সাড়ে আটটার আগে যুবই তাঙে না। তাঁর পর চা আর তামাক খেতেই ষট্টাখানেকে কেটে যায়। তাঁর পর নাওয়া-খাওয়া করে, এক ক্রোশ পথ পায়ে হেঁটে কি আর এগারটার মধ্যে আপিসে পৌঁছান যায়?"

এ জ্বাৰব শুনে ছজ্জুর যে অবাক হয়ে রাইলেন, তাঁর কারণ তাঁর নিজেরও অভ্যেস ছিল ঐ সাড়ে আটটায় ঘূম থেকে এঠা। তাঁর পর চা-চুক্ট থেকে তাঁরও সাড়ে নয়টা বেজে যেত। স্তৰাং পায়ে হেঁটে আপিসে আসতে হলে তিনি যে সেখানে এগারটার ভিত্তি পেঁচুতে পারতেন না, এ কথা তিনি মুখে স্বীকার না করলেও মনে মনে অস্মীকার করতে পারলেন না। সেই অবাধি প্রাণবন্ধুর দেরি করে' আপিসে আসাটা চাটুয়ে-সাহেবে আর দেখেও দেখতেন না। ম্যানে-আরের উপর প্রাণবন্ধুর এই হলো প্রথম জিৎ।

ছুদিন না যেতেই, চাটুয়ে-সাহেবে আবিক্ষার করলেন যে, প্রাণ-

ବନ୍ଦୁକେ ଡେକେ କଥନେ ତମ୍ଭୁର୍ତ୍ତେ ପାଓୟା ଯାଏ ନା । ସଥନଇ ଡାକେନ
ତଥନଇ ଶୋନେନ ଯେ ପ୍ରାଗବନ୍ଦୁ ତାମାକ ସାଜଛେ । ଶେଷଟା ବିରକ୍ତ ହେଁ
ଏକ ଦିନ ତାକେ ଧମକ ଦେବାମାତ୍ର ପ୍ରାଗବନ୍ଦୁ କାତର ସ୍ଵରେ ବଲଲେ—“ହୁଜୁର,
ଆମି ଗରୀବ ମାନ୍ୟ, ତାଇ ଆମାକେ ତାମାକ ଖେତେ ହେଁ, ଆର ତା ନିଜେଇ
ମେଜେ ଖେତେ ହେଁ । ପଯମା ଥାକଲେ ସିଗାରେଟ ଖେତୁମ, ତା ହଲେ ଆମାକେ
କାଜ ଥେକେ ଏକ ମୁହଁରେ ଜୟ ଓ ଉର୍ଚ୍ଛତେ ହୃଦ ନା । ବୀ ହାତେ ଅଟ ପ୍ରହର
ସିଗାରେଟ ଧରେ ଡାନ ହାତେ କଳମ ଚାଲାତୁମ” ।

ଏବାର ଓ ହୁଜୁରକେ ଚାପ କରେ’ ଥାକତେ ହଲ ; କେନ ନା, ହୁଜୁର ନିଜେ
ଅଟପରି ସିଗାରେଟ ଖୁକ୍କିତମ, ତାର ଆର ଏକ ଦୁଃଖ କାମାଇ ଛିଲ ନା ।
ତିନି ମନେ ଭାବଲେନ, ପ୍ରାଗବନ୍ଦୁ ବା ଖୁସି ତାଇ କରକ ଗେ, ତାକେ ଆର
ତିନି ବୀଟାବେନ ନା ।

କିନ୍ତୁ ପ୍ରାଗବନ୍ଦୁକେ ଆବାର ତିନି ଘାଟାତେ ବାଧ୍ୟ ହଲେନ । ଏକଥାନି
ଜଗନ୍ନାଥ ଦଲିଲ ଯା ଏକ ଦିନେଇ ଲିଖେ ଶେସ କରା ଉଚିତ ଛିଲ, ମେଥାନା ପ୍ରାଗବନ୍ଦୁ
ସଥନ ଦୁନ୍ଦ୍ରିୟ ଓ ଶେସ କରତେ ପାରଲେ ନା, ତଥନ ତିନି ଦେଓୟାନଙ୍ଗୀର ପ୍ରତି
ଏଇ ଦୋଷାରୋପ କରଲେନ ଯେ ତିନି ଆମଲାଦେର ଦିଯେ କାଜ ତୁଲେ ନିତେ
ପାରେନ ନା । ଦେଓୟାନଙ୍ଗୀ ଉତ୍ତର କରଲେନ ଯେ, ତିନି ସକଳେର କାହିଁ
କାଜ ଆଦ୍ୟ କରତେ ପାରେନ, କିନ୍ତୁ ପାରେନ ନା ଏକ ପ୍ରାଗବନ୍ଦୁର କାହିଁ
ଥେବେ ହେତୁ ପ୍ରାଗବନ୍ଦୁ ଆପିସେ ଏମେ ଆପିସେର କାଜ ନା କ'ରେ
ନିତ୍ୟ ସଂଟାନାନ୍ଦେ ଧରେ ଆର କି ଇନିୟେ-ବିନିୟେ ଲିଖେ ।

ପ୍ରାଗବନ୍ଦୁର ତଳବ ହଲ ଏବଂ କୈକିଯିଃ ଚାପାଇ ହଲ । ହୁଜୁରେ
ଉପର ହଜ-ବାର ଜିତ ହେଯାଇ ତାର ମାହି ବେଜାଇ ବେଡ଼େ ଗିଯେଛି ।
ମେ ଯାନ୍ତେଜାର ମାହେବେର ମୁଖେ ଉପର ଏହି ଜବାବ କରଲେ,—“ହୁଜୁର
କେବଳ ଆମାନ କରିବାର କୋନିଇ ଅଭିପ୍ରାୟ ଛିଲ ନା । ମେ ଶୁଭ

ଆମାର ଲେଖାର ଏକଟୁ ହାତ ଆଛେ, ତାଇ ଲିଖେ ଲିଖେ ହାତ ପାକାବାର
ଚେଟା କରି” ।

—“ତୋମାର ହାତେର ଲେଖା ସଥେଷ୍ଟ ପାକା, ତା ଆର ବେଶି ପାକାବାର
ଦୱରକାର ନେଇ । ଆର ଯଦି ଆରୋ ପାକାତେ ହେଁ ତ ଆପିସେର ଲେଖା
ଲିଖଲେଇ ହେଁ—ବାଜେ ଲେଖା କେନ” ?

—“ହୁଜୁର, ହାତେର ଲେଖାର କଥା ବଲଛି ନେ । ଆମାର ପ୍ରାଣେ ଏକଟୁ
କାବ୍ୟରମ ଆଛେ, ତାଇ ପ୍ରକାଶ କରିବାର ଜୟ ଲିଖି । ଆର ମେ ଲେଖା
ବାଜେ ନାୟ । ଗରୀବ ମାନ୍ୟରେ ନା ହଲେ ମେ ଲେଖା ସବ ପୁନ୍ତ୍ର ଆକାରେ
ପ୍ରକାଶିତ ହେଁ । ଆମାକେ ତାଇ ସରେର ଲୋକେର ପଡ଼ାର ଜୟାଇ ଲିଖିତେ
ହେଁ । ଯଦି ଆମାର ପଯମା ଥାକତ, ତା ହଲେ ତ ଛାଇପାଇଁ ଲିଖେଓ
ଦେଖେର ମାନ୍ଦିକପତ୍ର ଭରିଯେ ଦିତେ ପାରନ୍ତୁ” ।

ଏଇ ଉତ୍ତରେ ଚାଟୁଯୋ-ମାହେବେର ଝାଁତେ ଦା ଲାଗଲ । ତିନି ଯେ
ଆପିସେ ବସେ ମାନିକ ପତ୍ରିକାର ଜୟ ଇନିୟେ-ବିନିୟେ ହରେକବକମ
ବେନାମୀ ପ୍ରବନ୍ଧ ଲିଖିବିଲେ ଆର ମେ ଲେଖାକେ ମମାଳୋଚକେରୀ ଯେ
ଛାଇପାଇଁ ବଲତ, ଏ କଥା ଆର ଯାର କାହିଁ ଥାକ, ତୀର କାହିଁ ତ ଆର
ଅବିନିତ ଛିଲ ନା । ତିନି ଆର ଧୈର୍ଯ୍ୟ ଧରେ ଥାକତେ ପାରଲେନ ନା, ଚଢୁ
ବନ୍ଦବର୍ଣ୍ଣ ଫରେ ବେଳେ ଉର୍ଚ୍ଛଲେ—“ଦେଖୋ, ତୋମାର ହେୟା ଉଚିତ ଛିଲ—”
ତୀର କଥା ଶେସ କରତେ ନା ଦିଯେଇ ପ୍ରାଗବନ୍ଦୁ ବଲେ ଫେଲିଲ—“ବ୍ୟା
ମାନ୍ୟରେ ଜାମାଇ ! କିନ୍ତୁ ଅଦୃତ ତ ଆର ସବାରଇ ସମାନ ନାୟ” ।

ରୋଷେ କୋଣେ ହୁଜୁରେ ବାକରୋଧ ହେଁ ଗେଲ । ତିନି ତାକେ ତର୍ଜନୀ
ଦିଯେ ଦୂରଜୀ ଦେଖିଲେ, ପ୍ରାଗବନ୍ଦୁ ବିନା ବାକ୍ୟବ୍ୟାଯେ ସ୍ଵପ୍ନାନେ ପ୍ରଥମ
କରଲ, ଆର ଏକ ଛିଲିମ ଭାଲ କରେ ତାମାକ ମାଜତେ । ପ୍ରାଗବନ୍ଦୁର କିନ୍ତୁ
ହୁଜୁରକେ ଅପମାନ କରିବାର କୋନିଇ ଅଭିପ୍ରାୟ ଛିଲ ନା । ମେ ଶୁଭ

নিজে সাক্ষাৎ হবার জন্য ও-সব কথা বলেছিল। হিসেব করে কথা কওয়ার অভ্যাস তার কশ্মিরকালেও ছিল না, আর পঁয়তালিশ বৎসর বয়সে একটা নৃতন ভাষা শেখা মাঝুবের পক্ষে অসম্ভব।

(৭)

চাটুয়ো-সাহেব দেওয়ানজীকে ডেকে বললেন—“প্রাণবন্ধুকে দিয়ে আর কাজ চলবে না, তাঁর জায়গায় নৃতন লোক বহাল করা হোক। নৃতন লোক খুঁজে বার করবার জন্যে দেওয়ানজী সাত দিনের সময় নিলেন। এর ভিতর তাঁর একটু গৃহ্ণ মতলব ছিল। তিনি জানতেন প্রাণবন্ধুর দ্বারা কশ্মিরকালেও কাজ চলে নি, অতএব যে চাকরী তার এতদিন বজায় ছিল আজ তা বাবার এমন কোনো নৃতন কারণ ঘটেনি। তা ছাড়ি তিনি জানতেন যে, হজুবের রাগ হস্তা না পেরেতেই চলে যাবে আর প্রাণবন্ধু সেরেস্তার যে কাজ চিরকাল করে এসেছে ভবিষ্যতেও তাই করবে—অর্থাৎ তামাক সাজা। ফলে প্রায় হয়েছিলও তাই। যেমন দিন যেতে লাগল, তাঁর রাগও পড়ে আসতে লাগল, তাঁর পর সপ্তম দিনের সকাল বেলা চাটুয়ো-সাহেব রাগের কণ্ঠাবুক ও মনের কেন্দ্রো কোণে খুঁজে পেলেন না। তিনি তাই ঠিক করলেন যে এবারকার জন্য প্রাণবন্ধুকে মাপ করবেন। তারপর তিনি যখন খড়া-চূড়া পরে আপিস দ্বারা জন্ম প্রস্তুত হয়েছেন, তখন তাঁর দ্বারা তাঁর হাতে একখানি চিঠি দিয়ে বললেন, “দেখ ত, এ চিঠির অর্থ আমি কিছুই বুঝতে পারছি নে।” সে চিঠি এই—

“প্রিয়ে প্রিয়তরে প্রিয়তমে,

আজ তোমাকে বড় চিঠি লিখতে পারব না, কেননা আর একখানি

মন্ত চিঠি লিখতে হয়েছে। জানাইত আমাদের ছোকরা হজুব আয়াকে নেক নজরে দেখেন না, কেন না আমি চোর নই অতএব খোসামুদ্রেও নই। বরাবর দেখে আসছি যে পৃথিবীতে শুণের আদর কেউ করে না, সবাই খোসামোদের বশ। কিন্তু আমাদের এই নৃতন মানেজারের ডুল্য খোসামোদ-প্রিয় লোক আমি ত আর কখনো দেখি নি। একমাত্র খোসামোদের জোরে যত বেটা চোর তার প্রিয়পাত্র হয়েছে। যাদের হাতে তিনি পাকাকলা হয়েছেন তাদের মুখে হজুবের স্মৃত্যাতি আর খরে না। অমন রূপ অমন বুদ্ধি অমন বিষয়ে অমন মেজাজ একাধারে আর কোথাও নাকি পাওয়া যায় না। এ সব শুনে তিনি মহা খুসি। প্রিয়পাত্রের কাগজ স্মৃত্যে ধরলেই অমনি তাতে চোখ বুঝে সই দেরে বসেন। এঁর হাতে টেট্টা আর কিছু দিন থাকলে নির্ধারিত পোজায় যাবে। জমিদারীর ম্যানেজারি করার অর্থ ইনি বোরেন, গঙ্গার হয়ে কাঠের চৌকিতে কাঠের পুতুলের মত খাড়া হয়ে এগারটা-পাঁচটা ঠায় বসে থাকা। ইনি ভাবেন ওতে তাঁকে রাখভাবি দেয়ায়, কিন্তু আসলে কি রকম দেখায় জান?—ঠিক একটি সামৰি-গোপালের মত। ইনি আপিসে ঢুকেই একটি কড়া হুকুম প্রচার করেছেন যে, কর্মচারীদের সব এগারটায় হাজির হতে হবে আর পাঁচটায় ছুটি। আমি অবশ্য এ হুকুম মানি নে। কেন না, যারা কাজের হিসেব জানে না তারাই ঘটার হিসেব করে—সেই পুরুত্বের মত যারা মন্ত পড়তে জানে না, কিন্তু ঘটা নাড়তে জানে। খোসামুদ্রে বলে, ‘হজুবের কাজের কায়দা একদম সাহেবি’। ইনি এতেই খুসি, কেন না এঁর মগজে যে বুদ্ধি নেই, যা থাকলে বুঝতেন যে লেপাফা দুরস্ত হলে যদি কাজের লোক হওয়া যেত তা’হলে পোষাক পরলোও সাহেব

হওয়া যেত। এই বিশ্বাস ইনি সাহেব, কিন্তু আসলে কি জান ?—মেম-সাহেব। অন্তত দূর থেকে দেখলে ত তাই মনে হয়। কেন জানো ?—এই পুরুষের চেহারাই নয়। এই রংটা ক্ষাকাসে—সাধারণ মেথে, আর মুখে দাঢ়ি গোফের লেশমাটা নেই কিন্তু আছে একমাথা চুল, তাও আবার ক'টা। সে যাই হোক, একটু বিগদে পড়ে এই মেম-সাহেবের মেম-সাহেবকে একখানি চিঠি লিখতে বাধ্য হয়েছি। আজ দুদিন থেকে কানায়ুরেয়ে শুনছি যে ছজুর নাকি আমাকে বরখাস্ত করবেন। তাতে অবশ্য কিছু আসে যায় না, আমার মত গুণী-লোকের চাকরীর ভাবনা নেই। তবে কিনা অনেক দিন আছি বলে জায়গাটির উপর মায়া পড়ে গেছে। মুনিবকে কিছু বলা হৃথি, কেন না তিনি মুখ থাকতেও বোবা, চোখ থাকতে কাণ। তাই তাঁকে কিছু না বলে যিনি এই মুনিবের মুনিব তাঁর অর্থাৎ তাঁর স্তুর কাছে একখানি দরখাস্ত করেছি। শুনতে পাই আমাদের সাহেব মেম-সাহেবের কথায় ওঠেন বসেন। এ কথায় বিশ্বাস হয়, এর্ত শ্রী শুভেন্দু ভারি স্বন্দরা, প্রায় তোমার মত। তাঁরপর এই অপদার্থটা তাঁর স্তুর ভাগোই থায়, শুধু ভাত থায় না, মদও থায়, ছুরুটও থায়। ইনি বিশ্বের মধ্যে শিখেছেন এই ছুট। সে যাই হোক এর গুহিলোকে যে চিঠিখানি লিখেছি সে একটা পড়বার মত ভিনিব। আমার দৃঢ় রইল এই যে সেখানি তোমার কাছে পাঠাতে পারলুম না। তাঁর ভিতর সমান অংশে বীরবৰ্ম আর করণবৰ্ম পূর্বে দিয়েছি আর তাঁর ভাষা একদম সৌতার বনবাসের। শুনতে পাই কর্তৃতুরাণী খুব ভাল লেখা পড়া জানেন। আমার এই চিঠি পড়েই তিনি বুঝতে পারবেন যে তাঁর স্বামী ও তোমার স্বামী এ দুজনের মধ্যে

৪৭ বর্ষ, অষ্টম সংখ্যা।

অনুষ্ঠ

কে বেশি গুণী। আশা করছি কাল তোমাকে দশ টাকা মাইনে বাড়ার স্থুতির লিঙ্গে পারব।

তোমারই প্রাণবন্ধু দাস।”

চাটুয়ে-সাহেব চিঠিখানি আচ্ছেপাস্ত পড়ে দ্বিতীয় কাষ্টহাসি হেসে ত্রীকে বললেন—“এ চিঠি তোমার নয়, তুম খামে পোড়া হয়েছে।”

বলাবাহল্য পঞ্জপাঠ, প্রাণবন্ধুর বরখাস্তের হকুম বেরল। চাটুয়ে-সাহেব সব বরখাস্ত করতে পারেন এবং ত্রীর কাছে অপদার্থ হওয়া ছাড়া। কেন না তিনিও ছিলেন প্রাণবন্ধুর জুড়ি পত্তি-গত্তপ্রাণ।

এই চিঠিই হল প্রাণবন্ধু দাসের ত্রীর যথার্থ অনুষ্ঠি-লিপি, আর সে লিপি সংশোধনের কোনোরূপ উপায় ছিল না, কেন না তা ছাপার অঙ্গরে লেখা।

শ্রীপ্রমুখ চৌধুরী।

ନବୟୁଗେର କଥା ।*

—*—

ମଧୁରେର ସମାଜ ଓ ସଭ୍ୟତାର ସଥିନ ବେଶି ଦିନ ହିଁର ହେଯ ଦୀନିଙ୍କୁ
ଥାରିବାର ବୋ ନେଇ, ଯେ ପଥେ ହେବ ତାକେ ସଥିନ ଚଳାତେଇ ହେଁ, ତଥିନ ସେ-
ସଭ୍ୟତା କିଛିଦିନ ଟିକେ ଥାକେ, ତାରଇ ଯୁଗେର ପର ଯୁଗ ଆସେ । ଅର୍ଥାତ୍—
ଏହି ଅବିରାମ ଓ ଅବିଚ୍ଛିନ୍ନ ପରିବର୍ତ୍ତନେର ଇତିହାସେ ଖାଲିକଟାକେ ଛ'ଏକଟା
ହୃଦୟ ବା ଅଶ୍ଵଟ୍ଠ ଲଙ୍ଘ ଅଭୂତାରେ ପୂର୍ବାପର ଥେକେ ମୋଟିକେ କହାଏ କରେ
ତାର ଏକଟା ଯୁଗ ନାମ ଦିଯେ ପଣ୍ଡିତେବେ ତୁମଦେଇ କାରିବାର ଚାଲାନ । ଏବଂ ଏ
ହିସାବେ ପରବର୍ତ୍ତୀ ଯୁଗ ମାତ୍ରେଇ ପୂର୍ବରେ ଯୁଗେର ଭୁଲନାୟ ନୂତନ ଯୁଗ । କିନ୍ତୁ
'ନବୟୁଗ' କୋନ ନୂତନ ଯୁଗ ନୟ, ଦେ ହ'ଲ ନବୀନ ଯୁଗ । ଗାହେର ଜୀବନେର
ବାର୍ଷିକ ଇତିହାସେ ଶୀତେ ସଥିନ ପାତା ଝରେ ଶାଢ଼ି ଡାଳ କ'ଥାନି ଟିକେ
ଥାକେ ମେଓ ଏକଟା ଭୂତନ ଯୁଗ; କିନ୍ତୁ ସଥିନ ସମସ୍ତେର ସ୍ପର୍ଶେ ତାର ସାରା
ଦେହ ରଙ୍ଗିନ କିଶଳୟେ ଶାଢ଼ି ଦେଇ ଦେଇଟି ହ'ଲ ତାର ନବୟୁଗ ।

କୋନ ଓ ସଭ୍ୟତାରି ଏମନ ମୌଭାଗ୍ୟ ଘଟେ ନା ଯେ ଆଗାଗୋଡ଼ା ତାର
ଜୀବନଟା ହୁଏ, ଏକଟା ଏକଟାନା ଉତ୍ତରି ଇତିହାସ । କଥନ ଓ ଦେଖିଯେ,
କଥନ ଓ ପୁଁଦ୍ଧିଯେ ଏମନି କରେଇ ମଧୁରେର ସଭ୍ୟତା ଚଲେ । କଥନ ଓ ତାର
ଜୀବନେ ଆସେ ପ୍ରାଣେର ଜୋଗାର, ଯା ତାକେ ଅପୂର୍ବ ଲୌଳା ଓ ଅଭିନବ
ହୃଦୟର ପଥେ ନିଯେ ଯାଯା । କଥନ ଓ ବା ତାର ପ୍ରାଣେର ସ୍ପନ୍ଦନ ଯତ୍ତ ହେଁ

ଚନ୍ଦ୍ରମନ୍ଦିର ଅବର୍ତ୍ତନ ପାରଲିସିଂ ହାଇସ ହିତେ ଅକ୍ଷାଶିତ ।

ଆସେ, ଅବସାଦ ଏମେ ସମସ୍ତ ଶକ୍ତିକେ ଚେପେ ଥରେ; ସେ ତଥିନ ପ୍ରାଣପଥେ
ପ୍ରାଚୀନ ହୃଦୟକେଇ ଆଁକଡେ ଥରେ ଥାକତେ ଚାଯ, ଭୟ, ପାହେ ନୂତନ ପଥେ ପା
ଦିଲେଇ ଯା-କିଛୁ ପୁଁଜି ତାଓ ବୁଝି ହାରାଯ । ସଭ୍ୟତାର ଏହି ସେ ସମ୍ପ୍ରଦୟ-
ମାରଗେର ଯୁଗ, ମୁକ୍ତ-ପ୍ରାଣେର ବିଚିତ୍ର ଲୌଳାର ଯୁଗ, ଏର ପ୍ରାରମ୍ଭି ହ'ଲ 'ନବ-
ଯୁଗ'; ଯେ-ଯୁଗ ନବୀନ ହୃଦୟର ବେଦନାର ପୁଲକେ ଆକୁଳ, ଯାର ଅକ୍ରମାଳୋକ
ରାତ୍ରିଶୈଷେ ସଭ୍ୟତାର ନବ ସୂର୍ଯ୍ୟାଧ୍ୟ ବୋବଣା କରାଇ । ଯେ ପ୍ରବନ୍ଧ-ପୁସ୍ତକ
ଧ୍ୟାନ ଆମରା ଆଲୋଚନା କରାଇ, ତାର କଥା ଏହି ସେ ବାଙ୍ଗଲୀ ଜାତିର
ସଭ୍ୟତାଯ ଆଜ ଏହି ରକମ ଏକଟି ନବ୍ୟୁଗ ଏସେହେ ।

ନବ୍ୟୁଗ ସେ ଏସେହେ, ୧୦୨ ପୃଷ୍ଠାର ଏହି ଛୋଟ ପୁଁଖାନି ତାର ଏକଟା
ପ୍ରମାଣ । ବିଦ୍ୟାନିତେ ଲେଖକେର ନାମ ନେଇ । ପ୍ରକାଶକ ମହାଶୟା "ପ୍ରବନ୍ଧଗୁଲି
ପୂର୍ବେ 'ପରବର୍ତ୍ତକେ' ବାହିର ହଇଯାଛି" — ଏ ଛାଡ଼ା ବିଜ୍ଞାପନେ ଆର କିଛି
ବଳା ଆବଶ୍ୟକ ମନେ କରେନ ବି । ସୁତରାଂ ଲେଖକେର ସମ୍ବନ୍ଧେ ସମସ୍ତ
କୋତୁଳନ ଦମନ କରେ ଆମରା ଲେଖାର ସଙ୍ଗେ ପରିଚୟ କରବ ।

ବିଦ୍ୟାନିତେ 'ମୁଖ୍ୟତ୍' ଥରେ ମୋଟ ନ'ଟି ପ୍ରବନ୍ଧ ଆହେ । ସବଗୁଲି
ଏକଟି ଶୁରେ ବୁଝା, ଏବଂ ତାଦେର ଅନ୍ତରେର କଥା ମୋଟାମୁଣ୍ଡ ଏକଇ ।
ଲେଖକେର ମର୍ମବାଣୀଟି ଏହି ପ୍ରବନ୍ଧଗୁଲିର ନାମା କି । ମଧ୍ୟ ଦିଯେ ବିଚିତ୍ର
ଭଟ୍ଟାତେ ନିଜେକେ ପ୍ରକାଶ କରାଇଛେ । ପ୍ରବନ୍ଧଗୁଲି, ଏହି ଅନ୍ତରେ ବାଣୀଇ
ହଜେ ଆମଦେଇ ପ୍ରଥାନ ଆଲୋଚ୍ୟ ବିଷୟ ।

ପୁଁଖାନିତେ ଲେଖକ ଯା ବଲେଛେ ତାର ହ'ଟୋ ଭାଗ ଆହେ ।
ଏକଟା ହଜେ ବିଚାର ଓ ଯୁଦ୍ଧର ଦିକ—ଅର୍ଥାତ୍ ତତ୍ତ୍ଵାଂଶ, ଆର ଏକଟା
ହଜେ ଅଭୂତ ଓ ତାର ପ୍ରକାଶର ଦିକ—ଅର୍ଥାତ୍ ମାହିତ୍ୟାଂଶ । ପ୍ରଥମଟା
ତତ୍କରେ ବିଷୟ, ସୁତରାଂ ତା ନିଯେ ତର୍କ ଉଠିବେଇ । ବିତୋଟି ନିଯେ କୋନ ଓ
ତର୍କ ଉଠିବେ ନା । ସେଟି ନବୀନ ବାଙ୍ଗଲାର ଏକେବାରେ ଅନ୍ତରେ ଗିଯେ

পৌছিবে। কেননা বিংশ শতাব্দীর বাঙ্গালার মর্মকথাটি এ প্রক্ষেত্রে সাহিত্যের স্থমাময় মুর্তি নিয়ে প্রকাশ পেয়েছে।

বিচারের কথাই আগে বিচার করা যাক। বিচারের বিষয় হ'ল আমাদের অর্থাৎ—হিন্দু-সভ্যতার বর্তমান অধঃপতনের কারণ। এ প্রশ্ন এবং তার সমাধান প্রায় সব ক'টি প্রবন্ধেই আকারে ইঙ্গিতে ফুটে উঠেছে। কিন্তু ‘মানুষের কথা’ প্রবন্ধটিতে লেখক সোজানুজি একটি প্রশ্ন তুলেছেন এবং তার উত্তরও দিয়েছেন। “আমরা ও চিরকাল একপ ছিলাম না। এমন দিন ছিল যখন আমরাও ধরাপঁষ্টে পৌঁঘরোমত শিরে বিচরণ করিতাম। তখন এই বিশ্বানন্দের মহামেলায় আমাদের চক্ষে কাতর দৃষ্টি ফুটিয়া অপরের করুণা ও অবজ্ঞা উদ্বেক করিত না। তখন চিন্ত ছিল কৃষ্ণাজীন, সন্দয় ছিল উদার, জীবন ছিল খেলিবার সামগ্রী। সে সব আর নাই। কেন? অধঃপতনের কারণ কি? আমরা কোন ধর্ম হইতে বিচ্যুত হইয়াছি যে আজ আমাদের এ অবস্থা?”—এবং মীমাংসায় লেখক বলেছেন, “ইহার একই উদ্বেগ, সে উত্তর হইতেছে এই যে, আমরা মানুষ নামক জীবটিকে অঙ্গীকার করিয়াছি—তাহাকে অবজ্ঞা করিয়াছি। আমরা মানুষ-ধর্মকে জলাঞ্চল দিয়াছি।” উত্তরের ব্যাখ্যায় লেখক বুঝিয়েছেন যে মানুষ তার দেহ, মন, চিন্ত, বুদ্ধি, বিজ্ঞান; তার বহিরিন্দ্রিয়, অস্তরিন্দ্রিয়, অভিজ্ঞিয়; তার কর্ম, ভোগ, ত্যাগ এই সব নিয়েই তবে মানুষ। যদি এর মধ্যে কৃতক্ষণিকে অঙ্গীকার করে, অমঙ্গল ভেবে পিয়ে ফেলিবার চেষ্টা করা যায় তা হ'লে মনুষ্যকেই পক্ষ করা হয়। কলে জাতির মন থেকে জীবনের যে সহজ আনন্দ, সে আনন্দ থেকে মানুষের সভ্যতার যা কিছু মহৎ ও বৃহত্তর স্থষ্টি, সেটি চলে যায়।

তখন জীবনটাই হয়ে ওঠে দুর্বিহ ভাব। তাতে আর কোনও প্রাচুর্য, কোনও লীলার জায়গা থাকে না। তখন কর্ম হয় জীবনবাত্তা, ধর্ম হয় প্রাণহীন আঁচারের লোহার শিকল, ভোগ হয় প্রাণপথে প্রাপ্তকে জ্ঞাকড়ে থাকা, তাগ হয় অপোরায়ের অঙ্গমতা। লেখক বলেন, “হিন্দুজ্ঞানিটা কয়েক শতাব্দী ধরে” এই অঙ্গীকারের, এই পিয়ে-ফেলার কাজটা করে আসছে। আর তার অধঃপতনও হয়েছে তখন থেকেই, আর সেই কারণেই। জাতির শিক্ষকেরা সমস্ত জাতিটাকে শিক্ষা দিয়েছেন যে জীবন দুঃখময়, জগৎ মায়া, ভোগ অমঙ্গল। আর এই দুর্ব ধেকে, মায়া ধেকে, অমঙ্গল থেকে মুক্তির এক উপায় কর্ম-ত্যাগ, ভোগে বিরক্তি, জগৎকে অঙ্গীকার। জীবন ও জগতের বক্ষন থেকে মুক্তির হ'ল পুরুষার্থ। কিন্তু সে পথে পা’ বাড়াতে হলেই চাই “ইহামুক্তকলভাগ বিরাগং,” কি একালে কি পরকালে ফল ভোগে বিত্তস্থ। এই শিক্ষা যখন জাতির হাড়ে হাড়ে বসে গেল তখন তার জীবন হয়ে উঠল বিস্মাদ, প্রাণ হ'ল আনন্দহীন, কর্ম হয়ে উঠল বেগোর। মেহের বচনপ্রবাহ মৃদ হয়ে গেল, তার হাতাপা শিরিল হয়ে এল। তাতে জাতিটা যে আধ্যাত্মিক হয়ে উঠল তা নয়, কেন না “নায়মাজ্ঞা বলহীনেন লভ্যঃ”। সে হয়ে উঠল আমরা বর্তমানে যা, অর্থাৎ—‘অডভুরত’। তার কর্মও থাকল, ভোগও গেল না; কিন্তু মানবখান থেকে জীবনটা হয়ে উঠল একটা ‘কর্মভোগ’। এই পথের বর্ণনায় লেখক লিখেছেন, “জীবনে উচ্ছ্বাস শক্তির অনুভব করিতেছি—মনে হইতেছে যে শক্তির বলে অশাস্ত্র দিঙ্কুকে তাড়িত মথিত করিয়া আপনার আজ্ঞাবহ করিতে পারি। কিন্তু খবরদার—সে শক্তিকে সার্থক হইতে দিও না। মনে অনন্ত ক঳নার খেলা

খেলিতেছি, প্রাণে বিরাট ভোগসামর্থ্যের আভাস পাইতেছি, বুক্ষিতে আশ্চর্যাকরণ নব নব উদ্ভাবনী শক্তির পরিচয় পাইতেছি, বিজ্ঞানে ধীর প্রতিভাব, জ্ঞানের, আলোকের সন্ধান পাইতেছি, কিন্তু না, উচ্ছিদিগকে আপন আপন ধর্মের আচরণ করিতে দিও না। উচ্ছিদিগকে চাপিয়া দাও, দমাইয়া দাও, পিপিয়া দাও। উহারা যেন তোমাকে কর্মজীবী করিয়া তুলিতে না পারে—তোমাকে ভোগবাল্প করিয়া ফেলিতে না পারে—এ স্থষ্টিরূপ পদ্ম হইতে আনন্দরূপ মধু যেন তুমি আহরণ করিতে না পার।”

এ বিষয়ে যে তর্ক উঠিবে তা এই যে, সত্যই কি হিন্দু জাতিটা তার দুঃখবাদী দার্শনিকদের আর মায়াবাদী আচার্যদের উপদেশ মনে অঁকড়ে ধরেই জীবনের আনন্দ হারিয়ে, স্থষ্টির ক্ষমতাকে পঙ্কু কাঁর' জন্মে 'জড়ভরত' হয়ে উঠিছে? এই দুঃখবাদ আর মায়াবাদ, এ কি জাতির জীবনের আনন্দহীনতার কারণ, না তার ফল? রোগের নিদান না রোগের লক্ষণ? হয়ত এ মতবাদগুলির উন্নত হয়েছে তখন যখন হিন্দুজাতির মন সরস ও সচল ছিল, কেন না দার্শনিক চিন্তাও একটা স্থষ্টি, সচল মনেরই অভিযন্তি। কিন্তু জাতির জীবনের উপর লেখক এদের যেমন প্রভাব কল্পনা করেছেন সে কি সম্ভব? জাতি যখন ‘জীবনে উচ্ছ্বাসশক্তির অনুভব’ করছে, যখন তার মনে ‘কল্পনার অমন্ত খেলা খেলছে’, ‘বুক্ষিতে নব নব উদ্ভাবনী শক্তি’ ফুটে উঠছে, তখন সে কি বৈরাগ্যের বাণীতে কান দেয়; না, কান দিলেও মন দেয়? স্থষ্টিপন্থের আনন্দমধু ধীর জিজ্ঞাসাতে লেগে রয়েছে তার কানে ‘জগৎ মিথ্যা’ মন্ত্র জপে দিলেই কি সে মধু তিতিয়ে উঠিবে? এবং এই কি সত্য হওয়া বেশি সম্ভব নয় যে, হিন্দুজাতির জীবনে

যথন ভাটা ধরেছে, সহজ আনন্দের উৎস যখন শুকিয়ে এসেছে তখনি সে এই মতবাদগুলির দিকে ঝুঁকে পড়েছে? এবং তাদের শিক্ষায় আরও বেশি করে নিরামন্দ, বেশি করে কর্ম-বিমুখ হয়ে উঠেছে? জাতির জীবনে এই যে ওঠা নামা, উৎসাহ অবসাদের যুগ একটাৰ পর আৱ একটা আসে, লেখক তা মোটাই তোলেন নি। তাঁৰ ‘মুখপত্রে’ এ কথা তিনি চমৎকাৰ কৰেই বলেছেন। কেন যে মায়ুমের সভ্যতার এই নির্জন জাগরণ, বিকাশ সংকোচ, একের পর আৱ আসে তাৰ রহস্য কে জানে? এ ত জীবন মতুৱাই রহস্য! এবং সে পুরাণ রহস্য চিৰদিনই গুহাছিত, এবং হয়ত চিৰদিনই তেমনি থাকবে। অবশ্য প্রতোক সভ্যতারই উত্থান পতনের একটা ইতিহাস আছে। হিন্দুৰ সভ্যতারও তা আছে। এবং সে ইতিহাস নিশ্চয়ই জটিল; এক কথায়, একটা সুত্রে খেঁথে ফেলাৰ বিষয় নয়। কাৰণ মায়ুমের সভ্যতা জিনিষটিই অতি জটিল, এবং হিন্দু-সভ্যতা আৱ সব সভ্যতার চেয়ে কম জটিল ছিল মনে কৱাৰ কোনও কাৰণ নেই। তবে সে ইতিহাস কল্পনায় ছাড়া এখনও গড়ে তোলা চলে না। কেননা তাৰ পৰি আনাই এখনও আমাদেৱ অজ্ঞাত। এবং হয়ত তাকে ঠিক সত্যকৰে বিচাৰ কৱবাৰ মত এখন আমাদেৱ মনেৰ অবস্থা ও নয়। বৰ্তমানেৰ দারিদ্ৰ্য না ঘূচলে পূৰ্বপুৰুষেৰ কি ঐশ্বৰ্য কি দৰিজা, কিছুই মন খুলে বিচাৰ কৱা সহজ নয়।

কিন্তু এ সব বিচাৰ বিতৰ্কেৰ কথা এখনেই শেষ কৱা যাক। এই সব ঘৃক্তি-বিচাৰ এ প্ৰবন্ধগুলিৰ প্ৰধান কথা নয়। লেখকও তাদেৱ প্ৰধান কৱতে চান নি, লেখাতেও তাৰ প্ৰধান হয়ে ওঠে নি। এ প্ৰবন্ধ-পুঁথিখানিৰ প্ৰধান কথা ও প্রাণেৰ কথা হ'ল বাঙালীৰ

আবনে আজ দৌর্যরাত্রিশেষে জাগরণের শুগ ফিরে এসেছে। সেই
সহজ আনন্দ ভগবান আমাদের ক্ষিরিয়ে দিয়েছেন যার প্রাচুর্য হল
সভ্যতার সমস্ত সংস্থারাও মূল উৎস। লেখকের প্রাণে এই আনন্দের
যে স্তর বেজে উঠেছে প্রবক্ষণ্টি প্রথম খেকে শেষ পর্যন্ত তারই
বক্ষারে মুখ্য। এবং আগেই বলেছি, এ স্তরের চেতু নবীন বাঙালীর
একেবারে মর্মে গিয়ে আবাস্ত করবে। ইন্দু-সভ্যতার কেন পতন
হ'ল, এ নিয়ে তর্ক করা চলে, কিন্তু লেখক যখন ডেকে বলেছেন—
“আমরা যারা নবীন—যাদের মনে উৎসাহ আছে, আশা আছে; অঙ্গীতের
রোকা যাদের প্রাণ হ'তে নবীন নবীন স্পন্দনের অনুভূতিকে দূর করে
রোখতে সক্ষম হয় নি—তাদের আজ লড়াই করতে হবে এই ভ্যাগ
মন্ত্রের বিরক্তে। এ বিচার যারা সামাদিন মার্ত্ত্তি-তাপে কঢ়িয়ে অবসন্ন
দেহে শুক মৃথে সঞ্চার আড়ালে তাদের ঝাঁপ্তি দূর করবার জন্যে
চলে পড়ছে তারা করবে না—উষার স্লিপ বাতাসের সঙ্গে সঙ্গে
প্রাণের বিপুল স্পন্দনের সাথে সাথে হাসিমুখে যারা আজ জীবন-
মন্দিরে সীধকের বেশে প্রবেশ করতে যাচ্ছে তারা করবে, অধি
আহ্বান করছি আজ নবীনকে, পুরাতন আজ বিদ্যায় ন'ক।” তখন
তার আহ্বানে, আজ বাঙালীর যারা নবীন তারা সাড়া দেওয়াই
দেবে। কেননা আনন্দের এ স্তর তাদের প্রাণে এসেও পোঁচেছে।
এ সোনার কাঠি যাকেই স্পর্শ করেছে সেই মনে জানে—যে-
ভ্যাগের মন্ত্র বিশ খেকে মানুষকে বিমুখ করে সে যারই ধৰ্ম
হোক আজ বাঙালীর পক্ষে সেটা পরাধৰ্ম। শীতের দীর্ঘ রাত্রির
পক্ষে ‘অচলায়নের’ পাথরের দ্বের ও আচারের কম্বল-চাপ কঠটা
উপযোগী কি অনুপযোগী, এ নিয়ে বিচার চলে। কিন্তু আজ

বসন্তের উষায় উঞ্জীন উন্তরীয় গায়ে মুক্ত আকাশের তলে এসে
দাঢ়াতেই হবে।

এ বইখানি যিনিই পড়বেন দুটি প্রবন্ধ বিশেষ করে’ তাঁরই চোখে
পড়বে। এর একটি হ'ল “দুরকার,” আর একটি হ'ল “ইয়োরোপের
কথা।” দ্বিতীয় প্রবক্ষটির এক জায়গায় লেখক বলেছেন, “আসল,
সে বুঝি দিয়ে কি চিন্তা করে তা নয়—সে অন্তর দিয়ে কি অনুভব
করে তাই।” ও কথাটাই একটু ঘুরিয়ে বলা যায়।—সাহিত্য
মানুষ বুঝি দিয়ে কি চিন্তা করে তার ব্যাখ্যা নয়, অন্তর দিয়ে
কি অনুভব করে তাঁরই প্রকাশ। অবশ্য যে চিন্তা করে আর যে
করে না, এ দু'য়ের অন্তর এক রকম নয়, এবং তাদের স্ফট-সাহিত্যও
এক দৰের নয়। কিন্তু শেষ পর্যন্ত অন্তরের ভিত্তির দিয়ে না এলে
জিনিষটি মোটে সাহিত্যাই হয় না। এ দুটি প্রবন্ধে লেখক যে চিন্তার
পরিচয় দিয়েছেন বাঙালী দেশে তা স্মৃত নয়; কিন্তু সে চিন্তা
এসেছে লেখকের অন্তরের অনুভূতির মধ্য দিয়ে, আর প্রকাশ হয়েছে
সাহিত্যের স্মৃতির মুক্তিতে। “দুরকার” প্রবক্ষটির কথা এইঁ:—“দুর-
কারের তাগিদে মানুষ সভ্যতা গড়ে নাই, কেননা বেশির ভাগ দুরকার
সভ্যতায়ই ফল। এই স্ফটিটা দুরকারীয়া বলেই তাঁকে’ মানুষের এত
আনন্দ। কারণ যেখানে দুরকার সেখানেই দাসত্ব।” “Ne-
cessity is the mother of invention—এ একটা প্রকাণ্ড মিথ্যে
কথা—necessity, invention-এর মাঝেই নয়, মাঝী পিসৌরও
কেউ নয়—ওটা একটা নিতান্ত প্রাহৃত জনের কথা, ধৰতাই বুলিবাই
একটা বুলি। Invention-ই বল, discovery-ই বল, আর যাই বল,

এর মূলে রয়েছে মানুষের আনন্দ—প্রকাশ করবার আনন্দ—স্থিতি করবার আনন্দ।” ‘ইয়োরোপের কথায়’ লেখক এই রকম আর একটি ‘ধরতাই’ বুলির টুটি চেপে ধরেছেন। সেটি হচ্ছে—আধুনিক ইয়োরোপ জড়সর্ববৃত্তির আর আধুনিক বা প্রাচীন হিন্দু আধ্যাত্মিক “ইয়োরোপ তার অস্তরে, তার প্রাণের, তার জীবনের আনন্দ দিয়ে যে সভ্যতা গড়ে তুল্ল—যে সভ্যতা সকল পৃথিবীতে ছড়িয়ে গেল— যে সভ্যতার সংস্কারে এসে আমাদের সন্তান জাতির পুরুত্বন দেহে মৃত্ম প্রাণ কেবে উঠল—সে সভ্যতা একটা গভীর জ্ঞানের উপর প্রতিষ্ঠিত হ'তে না পারে—তাতে হাজার রকম ভূল আন্তি থাকতে পারে—হয়ত তাতে মানুষের সম্বন্ধে সকল সমস্তার সম্বৰ্ধন হ'য়ে ওঠে নি—কিন্তু তাই বলে’ যে সে সভ্যতা প্রতিষ্ঠিত হয়ে’ আছে কতগুলো জড়বস্তুসমষ্টির উপরে এ কথা যে বলে তার মত জড়বাদী এ ভূ-ভারতে আর দ্বিতীয় নেই। জড়বস্তুর এমন শক্তি এক নাস্তিক ছাড়া আর কেউ মানবে না।” “বাহিরের বস্তুসমষ্টি ইউরোপকে গড়ে’ তোলে নি—ইউরোপই বস্তুসমষ্টির জন্ম দিয়েছে— আপনার অস্তরে শক্তিতে—জীবনের আনন্দের আতিশয়ে—প্রাণের পতির বেগে। আসল কথা হচ্ছে যে জড় জড়ই, যতক্ষণ না সেটা মানুষের অস্তরে শক্তিতে কার্যকরী হয়ে ওঠে। স্বতরাং ইউরোপ আজ যা, তার মূল কারণ হচ্ছে তার জীবনে অনুভূতি—প্রাণে ওজন-ক্ষণিনী চিত্তশক্তি—তার জীবনদেবতার, ভগবানের এ স্থিতিতে লীলা-বিলাস।” তারপর প্রাচীন হিন্দু-সভ্যতার কথায় লেখক অতি সরস করে দেখিয়েছেন যে, কথায় কথায় আমরা যে আধ্যাত্মিকতার মাপকাটি বের করি তার মাপে হিন্দু-সভ্যতার গৌরবের ঘৃণগুলিকে

জড়সর্ববিশ্ব বলে’ ঠেলে দিতে হয়।” যে যুগে আর্য্যোরা বেদ লিখিতে সে যুগে কি তারা অনার্য্যদের সঙ্গে যুক্ত করে নি? স্বরং রামচন্দ্র যখন অযোধ্যার রাজ-প্রাসাদে ছিলেন তখন কি তিনি গাছের বকল পরে’ সৌতাদেবীকে আলিঙ্গন করতেন—না সৌতাদেবী নিজ হাতে মোটা চালের ভাত আর তেঁতুল পাতার অস্তল রেঁধে রামচন্দ্রের আধ্যাত্মিকতার গোড়ায় সার দিতেন? গীতা রচনা হ'ল, সে ত একটা ভীষণ মারামারি কাটাকাটির মধ্যে। স্বতরাং দেখা যাচ্ছে যে যুক্তিবিগ্রহ বা ভোগ-বিলাসটা কেবল জড়বাদীদেরই একচেটে ব্যবসা নয়। তা যদি হত তবে এমন আধ্যাত্মিক জাতি যে হিন্দু, তাদের মধ্যে যুক্ত ইত্যাদি করবার জন্যে একটা পৃথক বর্ণ গড়ে উঠত না।” লেখক এই কথা বলে’ তাঁর “ইউরোপের কথা” শেষ করেছেন,—“আমরা সবাই বিশ্বাস করি, ভারতবর্ষ আবার জগতে আপনার পূর্বব গৌরবের স্থান অধিকার করে’ বসবে। কিন্তু কেউ যদি মনে করে’ থাকেন যে সেদিন হিন্দু তাতিকা কেবল গেরয়া কাপড় তাঁতে ঢাবে, আর হিন্দু চাঁবীরা কেবল অপকৃ কদলীর চাষ করবে, তবে তাঁরা নিরাশ হবেন নিশ্চয়।”

এ প্রবন্ধ ছুটির অন্তদৃষ্টি যেমন গভীর, এদের ভাষাও তেমনি লম্বু, প্রকাশের ভঙ্গীও তেমনি সরস ও বিচিত্র।

তাঁর ন'টি প্রবন্ধ জুড়ে লেখক তাঁর স্বজ্ঞাতি সম্বন্ধে যে সব কথা বলেছেন তার অনেকগুলিকে গালমন্দ বললে খুব ভূল হয় না। টুর্গেনিক তাঁর ক্রডিনের মুখ দিয়ে বলিয়েছেন, “জাতিকে গাল দেবার কেবল তারই অধিকার আছে, জাতিকে যে ভালবাসে। “নববুগের কথা” পড়ে’ কারও সন্দেহ থাকবে না যে, লেখকের সে অধিকার নেই।

শ্রীঅতুলচন্দ্র শুণ।

ବାଦଲ ଧାରା ।

ଆସାନ୍ ।

ଭୋର ବରଧାର ଜଳେ ଭାସା ଆଜ ଏ ଆମାର ପଞ୍ଚିପାରେ
ବାଜଳ ଉତ୍ତଳ ଏକି ରେ ସୁର ବାଜଳ ଆଲୋର ବିଭୋର ତାରେ,
ବାଜଳ ମୋର ଏ ବିଭଳୁଛି ଓଯାଇ, ବାଜଳ ଜଳେର କଳସରେ,
ବାଜଳ ସୁର୍ଜ ରେଖାଯ ରେଖାଯ, ବାଜଳ ମେଘେର ଥରେ ଥରେ,
ବାଜଳ ସାରା ଗଗନେରି ଅୟୁତ ସାଁଖେର କାଜଳ ପରା।
ଆଖିକୋଣେର ଅବାକ୍ ଧାରାଯ କୋନ୍ ନିବେଦନ—ଦ୍ୱାଧନ ହରା !

ପାଇଁ ଟେନେ ଏ ବାତାସେ କି ଛୁଟିଲ ରେ ଆଜ ଛୁଟିଲ ତରୀ
ପରିଯେ ଦିଯେ ଗାନେର ମାଳା ଭୋର ସାଗରେର ଲହର ଭାରି,
ହୁରେର ଶାଢ଼ୀ ଉଡ଼ିଯେ ଧୂ ନୂତନ ଜଳେର ତେପାନ୍ତରେ
ଶୁରୁ ବାଣୀ ବାଜିଯେ ନିଥିଲ ଛୁଟିଲ ରେ ଆଜ ପାଗଳ କରେ !
ବନ ଭେତେ ଦୂର ଛାଯାବୀଧିର ଲହର-ନାଚା ନିରଦେଶେ
ଗେଯେ ଗେଯେ ଧରିଲେ ପାଡି ଅନ୍ଧପାଗଳ ଆଲୋର ଦେଶେ !

ଫୁଲେ' ଫୁଲେ' ମେଘେର କୋଲେ କେପେ କେପେ ଧାନେର କ୍ଷେତ୍ରେ
ଅଥା' ଜଳେର ପାପ୍ରିକୋଟା ମେତେ ମାଟେର ଫୁଲବନେତେ

ଦୋଲ ଥେଯେ ଏ ପାତାଯ ପାତାଯ ଛୁଟିଲ ରେ ଆଜ ଛୁଟିଲ ତରୀ
ଦୁଧାରେ ତାର ଭାଙ୍ଗ ଟେଉଯେ ନୁପୁରେ ସୁର ପଡ଼ିଛେ ବରି,
ପଡ଼ିଛେ ବରେ' ପାରୀର ମୁଖେ—ଶିଦ୍ଧର ଆଁକା ଯାତ୍ରାପଥେ
ବୁକେ ବୁକେ ଭୋରେର ଧୈ ଭୁବନ ଭରେ ଛିଟା'ଲ କେ !
କୁଳେ କୁଳେ ବାଜଳ କାକଣ—ଆଧେକ ଗା-ଓରା ମନେର କଥା—
ବାଦଲ ରାତରେ ପୁଞ୍ଜକରା ବ୍ୟାକୁଳ କୁଳେର ଆକୁଳତା
ବାଜଳ ଛାଯାର କମଳମନେ ଭେଜା-ଆଲୋର ଚରଣତଳେ
ବାତାସେରି କାନେର ପାଶେ ବାଜଳ ଜଳେର ଛଳକ୍ ଛଳେ,
ଶୁଣ୍ଣରିଲ ଆକାଶେ ଗାନ ଆଲୋଧାରାର ମଧ୍ୟଧାନେ
ତରୀ ଆମାର ଛୁଟିଲ ଭରେ ଅଫୁରଣ ଏ ଗାନେ ଗାନେ !

ଉଡ଼ିଯେ ଦିଲ ପଥେର ବାଁକେ ନିଶାନଥାନି ବକେର ପାଥା
କୁତୁରେ ମନମାତାନ ମୋହନପୁରେର ରୌଦ୍ରମାଥା,
ଧୋଡ଼ୟତୁରେ ବୈଠା ଆମାର ହାସେର ବାଁକେ ପଡ଼ି ମରି !
ଯତ ପ୍ରାଣେର ଝାକେ ଝାକେ ସକଳ ଗାନେର ସୁର ଶିହରି !
ମେଥେ ମେଥେ ବନକାନନେ ଡଙ୍କା ଆମାର ବାଜଳ ରେ କେ—
ପାଲାଳ ସେ ଆକାଶ ଛେଯେ 'ବୌ କଥା କ ଓ' ଲିଖେ ରେଖେ !
ବାଜଳ ଏ ଡାହକ ଦୂରେ ଛୋଟ୍ ତାହାର ଡୁଗୁଗୁଗିଟି
ଓଇ ପାରେ ତାର ସେ ଆଛେ ଆଜ ଏହି ସେ ରେ ତାର ଆସି ଚିଠି !

କି ଦେ ଜାନେ କଥନ୍ ହଲ ପଡ଼ା ଲିଖନ ଭର-ମଭାତେ
ଚଥାଚଥିର ଚୋକ ବୁଲିଯେ ସକଳ ମାଟେର ଯତେକ ହାତେ !
ଠେକ୍କଳ କଥନ ହଠାଟ ପାଯେ ଛେଲେର ଦଲେର, ଗଣଗୋଲେ,
ରାଟଳ ସେ ତା ଯତ ମାତାଳ ଦାହରିଦେର ମତ ରୋଲେ !

থমকে-থাকা মৃতন বৌয়ের ঘাটের পথ আজ এমন দিনে
একি বাতাস উথাল-পাথাল বাজায় এসে বুকের বীণে ?
চোকের তাওয়ার সব শীমান্যায় বিছান আজ আঙখানি
কুল যে আজ কুল তারে কুল রে আজ মনের রাণী !

আকাশপারে চেলে কালি খলখলিয়ে হাসছে মুখে
আখরগুলি শেষ করে সব গালে গায়ে মেখে চুক্কে,
দুই ছেলে কচি দাঁতে ফুটিয়ে চেয়ে হাসির রেখা
মুক্তামালার মত করে ছড়িয়ে দিল সকল লেখা !

শ্রাবণ।

হ'ধার থেকে তা নিয়ে যে শরবনে কি মাতামতি
পাকাধানের ক্ষেতে ক্ষেতে লাগ্ল বিষম হাতাহাতি,
অগাধ হল কিস্কিসানি খস্থসানি বাঁশবনে আজ
ছেমটা টেনে কলার বনে কিসের কথা ? ঐ অত কাজ ?
হাসির বাঁশী, নিশাসরাশি, জম্ল কি গো নয়ন পুটে
কুঁড়ের পথে আঁচলপাতা কার হল—কার পড়ল ঝুটে ?
হারাদিনের অদ্রকথা, বুকের কারো আশার ভরা,
তাই দিয়ে আজ খুলো কি গো প্রথম দিনের অঝোর ঝরা ?
ভাসল যে আজ সেই ধারাতে তালপাকান রূপজটা
সকল-সহা মুক্তমাঠের যাত্র পাহাড় মানুষ কঠা ;
কম্ল না দুরস্তপনা কম্ল কোথা কচুর বনে ?
কাজা হাসি সব ঠেলে যে নাচ্ছে ওরা ক্ষণে ক্ষণে ;

কোমর কেচে ধকেরা সব শ্রোতের মুখে জুটল এসে
শিঙারি স্বর লাগ্ল কানে কেয়াফুলের গাক্ষে ভেসে,—
বুব্বে কি গো আর ওরা আজ ? আর কি ওরা থাকতে পারে ?
দাঁড়াল সব জয়পতাকা চৱণ ঘিরে সারে সারে !
মাছুরাঙ্গারি পাথায় পাথায় ফড়িংগুলির পায়ে পায়ে
সব কথা যে রঙিন হয়ে ছড়িয়ে গেল গায়ে গায়ে !
ছড়িয়ে গেল সকল রাতের রক্তরেখার উপর দিয়ে
হাজার দিনের হাসির পায়ের ধূলোরিদাগ ধূয়ে নিয়ে
চেউয়ের নাচে নাচাপুরাণ চপলশ্রোতের সাথে সাথে
চোকের আগের পথেরি ঐ কোলাকুলির আঁডিনাতে !
বুকচেরা পথ মাঠের বুকে সিঁথির মত রাইল আঁকা।
বাড়ল চেউয়ের মাথায় মাথায় গানের ভুবন মেল্ল পাখা !
মেল্ল পাখা হাজার তরী চলল যে সব পাখীর মত !
সবুজ মেঘের কিনার দিয়ে বাঁশীর স্বরে তন্দুহত,
রেখে রেখে গেল নিশান্দ উধাও জনের বুকের চেউয়ে
খুল্বে ঢাকন কথন কি তার জানবে কি তা জানবে কেউ এ ?
বুকের মাপিক চলল যে আজ গৌড়জালা অভিসারে
নয়তো সে কোন দূর অজানা ধারানিবড় অন্ধকারে,
হয়তো আকুল ধরণীর এই আপনহারা পারাবারে
নয় তো আতুর মিথ্যা প্রাণের হাজার ঘাটের পারাপারে ;
নয় তো আপন বুকের ঠাকুর বুকে ঢেকে কর্ম করা,
নয় তো হাওয়ার হাসির ভেলা, নয় আগুণের তুষ-পশরা !
—বাজিয়ে নিয়ে সকল বেদন জনধারার খঞ্জনীতে
ভাটিয়ালের প্রভাত স্বরের পরাগভরা গহনগীতে !

ভাস্তু।

কথা শুধু জান্ত হৃজন—পানকোড়ি আর কলমিলতা
 ভিজে ভিজেও মিল না তো আজো তাদের মনের কথা !
 বিষম কালো উড়ল যে কেউ নীল হয়ে কেউ ফুলায় যে গাল,
 ঝিমুকগুলির বুকেই শুধু রইল গোপন একটুকু লাল
 শাপলা মেয়ে চুপি চুপি বলতে এসেই হলদে হয়ে
 এলিয়ে পড়ে বাটিমাসীদের ডরে ভয়ে একটু কয়ে ;
 পাড়ায় পাড়ায় হল না গো ইশারার আর একটু—দেরী
 জলে স্থলে একেবারে অমনি তাহার বাজ্ল ভেরি !
 গগনবাণী হাঁওয়ার গায়ে ফুলের ডালা দিল ঢেলে
 শুপারীগাছ নয়ে উঠে হেসে হেসে পড়ল হেলে,
 খোঁপায় কাঁটা কদমবধূ শুন্তে এসেই কথাটি সে—
 অঁচলে টান পড়ল যেমন—মূল অঁধি শিউরে উঠে !
 —গভীর স্বরে রেশাটি তাহার কার দয়ারে দিল হানা
 স্বন্দের বার বাজ্ল মাদল ?—কোথায় রে তার কোন ঠিকানা ?
 ছুটল পাগল সব নিয়ে আজ আকাশপাতাল সব ভাসিয়ে
 জটায় জটায় ছুলু অঁধার হাসিতে তার দিক কাঁপিয়ে
 কোথায় ছিল গোপন মনে এত কথার অঁধির বারি ?
 বুকের কোলে খুলু যে আজ গভীর নিশার খুলু ঝারি !
 বিবশ করে' নিশীথস্বরের আলাপনে ভুবনখানি
 বাজিয়ে দিল মনতারাতে উদাসরাতের অসীম বাণী

বাজিয়ে দিল বিলৌরবের অঁধারফাটা তীব্র স্বরে
 প্রাণসাগরের কোন গোপনে ভুবন যে আজ চলল পুড়ে,
 চলল অপার আজ অবারণ প্রাণের পূজা পুপ কলে
 লক্ষ হাজার বার্ল কমল উচল অতল স্নোতের জলে !
 বারছে তাহার পাপড়িগুলির পাথার কাঁপন প্রাণের পাতে
 অজানা স্মৃত বাজ্জ তালে জীবনবনের মন্দিরাতে !
 জলছে যেথায় মাটির প্রদীপ কুড়ের কোণে মিটমিটিয়ে
 নদীর ভাঙন ঘরের পিছে, দেখছে উঠে গিয়ে গিয়ে,—
 পড় শীঘরের আসছে সারা চলছে সাড়া ডাকে ডাকে
 কার চরণের শব্দটুকু পড়ছে নিশির থাকে থাকে ?
 দেয় নি ওরা অঁধারে আজ দেয় নি ওরা স্মৃতি নিভিয়ে
 ঘাট যে ওরাই বিশ্বীগার—গড়াগানের রক্ত দিয়ে,—
 গড়া কোথায় স্বপ্নে ঢালা কোন সে বিশাল ইন্দ্রপুরী
 ভুবনবাণীর জমাট ব্যাথার কোথায় রে মঠ অঁধাৰ ঝুড়ি ?
 চমকে উঠে কেকার ডাকে পেথমতলে লুটিয়ে পড়া
 পিয়ে স্বরাসাগরের শঙ্খ কিরে ঘুমায় ওরা ?
 জাগবে কখন জাগবে কখন জাগবে ওরা ? জাগবে কিরে ?
 দশদিকে যে বাজ্ল মাদল নামল বাদল স্বরে ঘিরে !
 তারায় তারায় বাজ্ল যে শীখ ছায়াপথের সাগরজলে
 অন্তগিরির কোন সে চূড়ার কোন সে গুহার বাসার তলে ?
 কাঁপছে যেথায় জলের গায়ে সক্ষাৎতির রেশ-অবশেষ—
 চলছে রেঞ্জে তারেই ঘিরে—কোড়ার ডাকের নাই যে রে শেষ,

ବାଜଳ ତୃଣେର ଶିରାଯ ଶିରାଯ କାପିଯେ ଜଲେର ଅଧିର ଧାରା
ବାଜୁଛେ ସେନ ସୁଗ ହତେ ସୁଗ—ଏକି ରେ କୋନ୍ ଧ୍ରୁବତାରା !
ବାଜୁଛେ ରେଖୁର ପୁଲକପୁରେ ନୀରବ ଚିର ଧୂର ଭାଲେ
ବାଜୁଛେ ସରେର ଜାଗା ସୁକେ ବାଜୁଛେ ସୁମେର ଅଷ୍ଟରାଲେ,
ଧରହେ ନା ତାର ସୁରେର ଧାରା—ଛାପିଯେ ସେ ତାର ଉଠିଛେ କାନା—
ବାଜୁଛେ ସୁରେ ଏପାର ଓପାର ଦିଗନ୍ତେର ଆଜ ସବ ମୋହାନା !
ହାଙ୍କ ଦିଯେ ତାର ଦୌପେର ଆଲୋ ପଡ଼ିଲ ନା ଆର ଭୁବନ ମାରେ
ଅଥିର ଆକାଶ ନଦୀର କାନେ ଶୁଦ୍ଧୁଇ କେବଳ ଗାନ୍ତି ବାଜେ !

ଶ୍ରୀଦକ୍ଷିଣାରଙ୍ଗନ ମିତ୍ର ମଜୁମାର ।

କଥିକା ।

—::—

ଆମାଦେର ଏହି ଶାନ-ବୀଧାନୋ ଗଲି ବାରେ ବାରେ ଡାଇନେ ବୀରେ ଏକେ
ଥେବେ ଏକଦିନ କି ସେନ ସୁଜୁତେ ବୈରିଯେଛିଲ । କିନ୍ତୁ ସେ ସେବିକେଇ
ଯାଯ ଠେକେ ଯାଯ । ଏଦିକେ ବାଡ଼ି, ଓଦିକେ ବାଡ଼ି, ସାମନେ ବାଡ଼ି ।

ଉପରେର ଦିକେ ଘେଟୁକୁ ନଜର ଚଲେ ତାତେ ସେ ଏକୁଥାନି ଆକାଶେର
ରେଖା ଦେଖିତେ ପାଯ—ଟିକ ତାର ନିଜେରଇ ମତ ସରୁ, ତାର ନିଜେରଇ
ମତ ବୀକା ।

ଦେଇ ଛାଟା ଆକାଶଟାକେ ଜିଜ୍ଞାସା କରେ, “ବଳ ତ, ଭୁମି କୋନ୍
ନୀଳ ସହରେର ପଲି ?”

ହତପରବେଳାଯ କେବଳ ଏକୁଥିନେର ଜଣ୍ଯେ ସେ ସୂର୍ଯ୍ୟକେ ଦେଖେ ଆର
ମମେ ମନେ ବଲେ, “କିଛୁଇ ବୋବା ଗେଲ ନା !”

ବର୍ଷାମେହେର ଛାଯା ଦୁଇ ସାର ବାଡ଼ିର ମଧ୍ୟେ ଘନ ହେଯେ ଓଠେ, କେ ସେନ
ଗଲିର ଖାତା ଥେକେ ତାର ଆଲୋଟାକେ ପେଣ୍ଟିଲେର ଅଁଚଡ଼ ଦିଯେ କେଟେ
ଦିଯେଚେ । ଝାଣିର ଧାରା ଶାନ୍ଦେର ଉପର ଦିଯେ ଗଡ଼ିଯେ ଚଲେ, ବର୍ଷା ଡମର
ଛାତାଯ ବେଧେ ଯାଯ, ଛାଦେର ଉପର ଥେକେ ଛାତାର ଉପରେ ହଠାତ ନାଲାର
ଜଳ ଲାଫିଯେ ପଡେ ଚମ୍କିଯେ ନିତେ ଥାକେ ।

ଗଲିଟା ଅଭିଭୂତ ହେଁ ବଲେ, “ଛିଲ ଖଟଖଟେ ଶୁକନୋ, କୋନୋ
ବାଲାଇ ଛିଲ ନା । କିନ୍ତୁ କେନ ଅକାରଣେ ଏହି ଧାରାବାହି ଉପାତ ନାହିଁ”

କାନ୍ତନେ ଦକ୍ଷିଣେ ହାଓୟା ଗଲିର ମଧ୍ୟେ ହଠାଏ ଆସେ ହଠାଏ ଯାଇ; ଧୂଲୋ ଆର ଛେଡ଼ା କାଗଜଙ୍ଗଲୋ ଏଲୋମେଲୋ ଉଡ଼ିତେ ଥାକେ । ଗଲି ହତବୁଦ୍ଧି ହେଁ ବଲେ, “ଏ କୋନ୍ ପାଗଳା ଦେବତାର ମାଂଲାମି !”

ତାର ଧାରେ ଧାରେ ପ୍ରତିଦିନ ସେ-ସବ ଆବର୍ଜନା ଏସେ ଜମେ—ମାଛର ଅଁଖ, ଚଲୋର ଛାଇ, ତରକାରୀର ଖୋସା, ମରା ଇହୁର—ସେ ଜାନେ ଏହି ସବ ହଚେ ବାସ୍ତବ । କୋନେଦିନ ଭୁଲେଓ ଭାବେ ନା, “ଏ ସମସ୍ତ କେନ ?”

ଅର୍ଥଚ ଶରତେର ରୋଦ୍ଧୁ ଯଥନ ଉପରେର ବାରାନ୍ଦାୟ ଆଡ଼ ହେଁ ପଡେ, ସଥନ ପୂଜୋର ନହବେ ଭୈରବୀତେ ବାଜେ, ତଥନ କ୍ଷଣକାଳେର ଜୟେ ତାର ମନେ ହେଁ, “ଏହି ଶାନ-ବୀଧା ଲାଇନେର ବାଇରେ ମନ୍ତ୍ର ଏକଟା କିଛୁ ଆହେ ବା ?”

ଏଦିକେ ବେଳା ବେଡ଼େ ଯାଇ; ଯାତ୍ର ଗୃହିନୀର ଅଁଚଲଟାର ମତ ବାଢ଼ି-ଶୁଲୋର କୀଧେର ଉପର ଥେକେ ରୋଦ୍ଧୁରଥାନା ଗଲିର ଧାରେ ଥଦେ ପଡ଼େ; ସାଡ଼ିତେ ନ'ଟା ବାଜେ; ବିକୋମରେ ଝୁଡ଼ି କରେ ବାଜାର ନିଯେ ଆସେ; ରାନ୍ଧାର ଗଞ୍ଜେ ଆର ଧୌୟାର ଗଲି ଭରେ ଯାଇ; ଯାରା ଆପିସେ ଯାଇ ତାରା ବ୍ୟନ୍ତ ହତେ ଥାକେ ।

ଗଲି ତଥନ ଆବାର ଭାବେ, “ଏହି ଶାନ-ବୀଧା ଲାଇନେର ମଧ୍ୟେଇ ସବ ସତ । ଆର ଯାକେ ମନେ ଭାବ୍ରତ ମନ୍ତ୍ର ଏକଟା କିଛୁ, ସେ ମନ୍ତ୍ର ଏକଟା ସ୍ଵପ୍ନ ।”

ଶ୍ରୀରବୀଶ୍ରମାଥ ଠାକୁର ।